

樊

山

續

集

樊山續集卷十八

恩施樊增

鰈舫集

起壬寅十月  
訖癸卯五月

初寒

庾家袍襖思添絮  
杜曲園林未見梅  
世事從來有翻覆  
紅鱸重暖隔年灰

贈冬青

露白霜紅天氣清  
夕柯黃落滿秋城  
憑將絹繫南山樹  
惟有冬青不世情

柳

軟宜春水淡宜秋  
抱月飄煙不自由  
合使全身俱入畫  
不應眉眼獨風流

鏡

漫整烏巾弄黑髭七年常對聖琉璃憑君照到百年後只似  
當年初照時

題紅紙

花葉輕紅三四番了無一字著春痕綠知隴上饒鸚鵡素手  
拈花笑不言

再贈冬青

南檐佳樹垂垂碧獨立霜中與月中冷笑人間殘暑在銀牀  
一葉下梧桐

雨中醺客葆生觀察出示一詩卽次其韻

鐵冠不赴東南調衣繡重經石北平紅燭試停今夜雨珠槃  
早弭十洲兵衡山昭芋留精舍小海看桑別舊京

自煙台至  
大沽爲小

海  
頗厭六朝風氣薄酒邊重話石頭城

葆生贈詩以湘綺見況何敢當也次答

抱冰湘綺纓堂翁香瓣低徊此數公屈子離憂傳宋主龍門  
史筆授扶風草堂蜀郡仍無恙湘綺先生嘗主成都尊經講席蕙帳臨川故  
未空私淑潭州三十載鑄金早置佛龕中

東溪小集誦琅琅散得天花作道場圯上傳書憐我晚鐙前  
擁髻笑人忙君得樊山集終夕吟誦姬人曰莫風狂否明珠佩擬酬交甫老樹花  
猶爲褚翔梁褚翔守義興枯樹再榮千古竹林鵲詠地肯因華要屏山王

楊漢中令子得南元寄賀

喜動周南舊吏民仙郎襮幙一時新中州省卽中書省本年京兆

試借第二人原第一人北榜以第二名為南元修竹楊家添故事蓮花

榜眼現雙身君先德奉常公王子第二人及第因君卻起鄰翁羨累月咎兒

事竟眞

題楊守默先生采菊圖

籬落蕭然處士家  
滿衣風露採禽華  
種成奕世科名樹  
記取江南掌故花

酈井香泉爲寫眞  
離騷經裏想風神  
至今玉貌琴川女  
飲水餐花學楚人

乾嘉題墨盡芳鮮  
四七星辰少一賢  
乾嘉老輩題詠者二十七人  
人物蕭

條秋色老令人想像太平年

漢南賢守誦清芬  
屢撰延英進奉文  
記得重陽花一束

深宮手詔賜鍾君

月下憶京師舊遊

春明坊裏夜行觴  
半是詩豪半酒狂  
張八韋三今不見  
一方

明月照單牀

疊前韻自述

關中二十年游宦逮事桓公及謝公每挹金莖消肺渴亦聞  
檄草愈頭風晚唐瘦句拈無可東海殘碑訪不空三輔吏民  
相假借乞求常在外臺中

漫將仙館署琳琅試客分題小戰場北地詩歌憎習氣

近見報館

刻詩有一城花月庾開府兩髯江山趙倚樓之句其不通如此

南人飲事半閒忙

杜牧詩南人以飲爲

忙玉章有客鐫蟲達

此閒秦銅漢玉率多廣鼎

石鼓何年去鳳翔五載渭

南多賦詠至今傳唱小秦王

寶衡捷北闕喜贈

我所能爲汝盡能亦如飛衛學甘蠅十年名重蓮花幕一旦  
功成夜雨鐙富貴於人相逼迫文章生翼自飛騰紅梨舊是

君家記解首無因得繼登尊人平之親家癸酉領解光緒乙酉與余同官北山嘗贈詩云分明一則紅梨記別是人閒趙解元今此詩久軼附識於此

### 題家塾

藿粥平生志橫經老尙堪茶聲添畫靜栗事佐宵談兒喜生書熟師言苦菜甘自忘居柏署彌勒結同龕

窗樹初延月瓶花未結冰一堂絲竹肉三代子孫曾成就無瑕璧低回有味鐙爾曹勉駢角犁雨我猶能

兒輩初學屬對余出云墨竹換詩詩換蟹皆不能屬戲賦一詩

近來閩粵競詩鐘未許兒曹學步工墨竹換詩詩換蟹畫松如篆篆如龍天衣巧製須無縫玉合精求必可逢唐人謂作詩如掘得玉合子有底必有蓋精求之可得自古文章珍偶儷南彭北紀勉追從

再示兒輩

對屬天然雀燕伴可知鎖鎖儷鈎鈎萬言每受單詞窘新意  
須從故實求墨竹換詩詩換盤黃金償劍劍償牛雅人深致  
循良事都被先生古錦收

自題照像

照影疏篁綺石邊絲絲縹縹尾望如仙一方藥鏡恆河水人面

依稀似去年

去年亦有  
竹中照像

盡傾心血作文瀾鬚鬢青青亦未殘君看東岡老松樹最禁  
風雪最禁寒

不教放浪不矜持山澤巖廊在處宜惟有拈花人解得維摩  
眞備四威儀

霜臺符檄凜如秋七尺升車擁八騶誰識惠文冠底客畫蛾



從古擅風流

北山

雕陰北望風沙慘林澤哀鴻幾子遺萬竈爭熬神木蠹三方  
橫截宋川釐府神葭設局宋家川釐收銳減連年霜雹災成例絕徵鹽茶販  
有私近買明駝過三百可憐挽雪出花池

皋蘭消息雁郵疏手板都忘問起居禿髮地寒宜擁被赫連  
性忍不知書極邊春瘦榆林馬十月冰苞府谷魚從古銀州  
誇貴壽近來織女道何如

十一月朔

月吉無勞薦壽卮蜜梅花底閉門時駸駸驄馬行香早戢戢  
饑鴻趁粥遲是日粥廠始開天下大寒瓶水覺老來輕健獨眠知年  
年今日書窗下依樣葫蘆一首詩

生日再賦

謝遣賓僚獨下帷，絮庭兒女倍瞻依。  
遲遲綺日暉琴榻，蕭蕭青霜凍戟衣。  
樂府歌辭驚百轉，命宮格局蝶雙飛。  
子平家目飛格南窗打睡蓬蓬醒，誰識先生杜德機。

葆生以詩見祝賦答二首

青梅筵上使君賢，天下英雄孰後先。  
君子令詞原善頌，老夫不及豈惟年。  
論才已許兼文武，舉酒何勞慕佛仙。  
同是楚中將家子，功名未可負貂蟬。

箕牛斥退命宮星，水冷金寒愛火行。  
鳳厓恰當周建子，蟻更亦怕宋逢庚。  
余命中有兩庚子前年庚子幾瀕於危愛談馬槩忘年老，穩步薰屏覺體輕。  
好學漆園不鳴雁，天人交忌是才名。

賦得銀燭

流光如雪氣如蘭夜雨秋屏覺影單玉箸垂時人惜別海棠  
睡去汝同看心從明鏡臺邊照身在銀荷葉上安怪得金釭  
居二等冰銜輸爾一條寒

蘇合香中熱一枝紙窗竹屋見凝脂明明似月心堪白皎皎  
如霜涅不緇光艷欲教珠母避行游禁得玉嬈持洞房永夕  
能停待較勝青鐙有味時

簾鉤

曲瓊名字亦風流三角弧形傍畫樓雙壁柔莢思漢苑一彎  
斜玉記揚州時時反側珊瑚女世世疏封戶牖侯三挂冠纓  
嚴節度杜陵遺老感恩不

風舒霧捲鬱金堂犀玉珥璇夜有光晷汝申申綠惹髻愁人  
乙乙似回腸三星掩映成心字微雨黃昏念膽嫌正好垂帷

掩書坐嫌渠多事放鑪香

等閒未許挂鸚哥收拾珍珠與綺羅  
釵釧音聲敲夜永鞦韆身世絆春多  
勾留楚岫雲無盡約束瀟湘水不波  
碧玉螳螂猶漢製春溪落日幾摩挲

西山飛雨捲鮫綃記得天寒賜錦袍  
斜月東西珠箔映春風上下玉纖勞  
洞開門戶休妨燕乞與綸竿便釣鼇  
誰是九天披霧手黃羅遙揭五雲高

讀湘綺樓詩奉題一首

天馬神龍不可羈沈潛學海獨探驪  
九州總有逢迎處百歲應無倨傲時  
脾睨中興諸將相範圍後學一經師  
老軻功大如神禹解道斯言只退之

再題湘綺樓集

儒林中有漢高皇謾罵文章極老蒼  
史筆幾人嬰斧鉞詞場萬古掃秕糠  
賁人歲暮輸金幣天子深宮畫草堂  
湘撫往年奉明詔問公精力可勝常

三題湘綺樓集

乾坤溟蕩孰知音並世獺牙未易尋  
光祿自言兒得筆中郎惟與女傳琴  
登山有客迷橫側觀海從人說淺深  
瘦碧老簾俱把臂可知空谷寂寥心

四題湘綺樓集

往年交臂春明路辛未會試擬謁先生未果  
香爲南豐百瓣薰蜀洛卑融門戶見馬班  
無復異同文留侯書尺招黃綺宰相山中  
贈白雲誰使洞庭限南北三湘七澤要平分

五題湘綺樓集

年少高談院鄂兵老思舌劍斫長鯨祠堂欲並蜀諸葛先生  
經書院蜀才禮樂長存魯兩生六合外猶繁議論十州人盡  
肯出其門憚聲名請看滄海橫流日惟有湘潭徹底清康梁構逆先生  
者  
門下無一附和

贈梅君前輩

梅翁屬書扇因墨其上

升堂俱是聖人徒請業緇帷德未孤繼續老先摧鹿角商量  
舊學會鵝湖黃花插帽參差晚黑豆投瓶積漸無學術慙余  
雜王霸祇應嚴事考亭朱

再哭許袁二公

柴市風雲慘不舒保身明哲竟何如已亡叔夜琴中曲世多  
翁詩百無莫問陳留篋裏書竹翁鸚鵡尊前誰是鸚鵡鶯冰  
一似者上枉尋魚秦中獨我吟黃鳥人百安能贖子車

抱冰師再督兩江寄獻二十八韻

五大洲中見一星溪璜巖築不能爭祁公貌已先年老裴令

身原爲國輕整頓河山仍鏡砥提攜掾屬到公卿鑿通博望

當時空

公修蘆漢鐵路鑿山開道

精練威廉第一兵

德人謂公之精兵陶足當德之上驍

侃武昌自楊柳謝安江左更棋枰訐謨海外諸夷伏商戰人

間萬事生三代彝章從損益六經根抵獨分明破邪幾費菩

提口勸學如聞韶獲聲宿將每箴前絳灌腐儒喚醒僞朱程

掌紋指節占天象海誌山經驗物情捫揣謬臺惟赤手感孚

絕國只丹誠髣霜濃處邊籌苦心血枯來奏草成聖學二千

年絕續天才廿萬里縱橫周公制作皆顰繡孟子音儀象水

晶馴狎鯨龍池裏篆

公所用洋匠洋弁以百數

部分貔虎海東行

公屢遣將弁詣

日本觀兵夷吾祇了中原事諸葛徒高宇岫名文武材兼方授鉞

封疆寄重綏和羹煮金待開梅根冶帶甲重開細柳營公謫制兩

江立自強軍及吳會英才歸駕馭江淮繡壤盡犁耕九

重玉詔褒勳伐十國珠槃主會盟儘拓心胸規遠大尙留文

藻潤承平會昌一品門人序儉府千花幕佐傾泗水早誇由

禦侮韓門獨許籍聞爭功非陸贄慚期許西幸日師語人曰此一齣戲看雲

門一人去唱才與湘鄉共品評或勸師節勞師嘆曰必欲分一卷

素書青漆簡卅年薪火鐵鐙檠清時敢慕王炎午涼德羞爲

宋子京隴首梅花逢改歲江南木屑憶朝正何時雲母屏風

底坐看宗臣秉玉衡

鰈舫寒事

侵階凍草先春發滿案冬暄比月佳判事可須湘管筆見賓

惟躡魯風鞋文章禹玉誠多寶歌曲堯夫善打乖一欄青氍



一炊火蜜梅香透小眠齋

題尤水村所畫東坡石鉞圖用自題韻

此中曾貯老人泉  
菌蠢儀形尺幅寬  
畫仿竹鑪春社冷  
名齋石鼎夜吟寒  
中冷小杓分江入  
陽羨荒厨焙葉乾  
古器已登天府貢  
尺練流轉到長安

碌碡堰勘堤歸馬上望西安城作

參差樓堞倚青冥  
風靜嚴關鼓角聲  
虎視九州秦內史  
龍蟠八水漢西京  
前朝塔廟留奎藻  
名判數十並邀御題  
近郭川原帶晚晴  
一自翠華西幸後  
長安今是鳳凰城

再寄午公

西門柳色自依依  
歲暮江皋雁字稀  
鄂鈔風行空紙幣  
楚棉雪聚紡紗機  
遂開馳道如虹互  
重起高樓待鶴歸  
公籌萬金修黃鶴樓

見說西園多雅集常令猿鳥見旌旂

壬寅歲暮關中雜感九首

左戶飛書促算緡封椿底處覓錢神黃金已盡催填海白璧  
何年再入秦蒙漢新多熬鑛戶澄蒲漸少採硃人製造局硃  
鑛取之澄  
蒲二縣荒後硃戶  
逃亡日益不足流亡未復瘡痍在最念天寒白屋貧

漢吏誰如雋不疑籌鐙判牘百回思荷花有淚離文網綠草  
經秋上獄詞駭女癡兒望懷保省司府局莫參差就中亦有  
荏苒澤東里甯無用猛時

地寶騰光照十洲秦山苗脈待窮搜銅官未鑿生金鑛炭井  
誰煎猛火油度嶺擬開盤馬路時議開  
秦嶺入關新置寄書郵東

南風氣來西北橋上聞鵲不用愁

表賀元冬望 九關明明日月照乾坤雞人踞且班行肅螺

女朝天語笑溫

各國使臣夫  
人並隨朝覲

執玉爭趨 皇極殿醖金催起

正陽門劫灰銷盡昆明火龍袞於今有淚痕

江表秋分下玉棺析津霜露不勝寒晉公玉帶占遺表梁國  
麻衣守本官賜祭九齡蒙贈諡奪情太岳勉艱難九州疆吏  
多僑置棋局須求著著安

烽火朱鷺幾亂離 深宮卜帥屢沈思節旄蘇武今如此功  
罪王韶概可知峽入大藤皆盜藪營非細柳盡兒嬉風光轉  
盼逢元夜可是崑崙奏捷時

玉壘天彭復苦兵紅巾突起錦官城陰燐滿地憂狐火白日  
通衢見虎行 廟略崇朝平米賊臺抨全力撼花卿掾荒再  
驚西園爵中澤哀鴻半死生

畔服狼心故不常屢曾橫水誤明光始終作賊嗟頭白左右

逢君恨茱黃

用張士誠事

收合羆貔抗裴令迷離雞犬隱淮王中

原魚爛誰之罪七日然臍未足償

臺柏葱籠復見春吏材師範亟陶甄

時方設課吏館師範學堂

掃空刀筆

文無害脫落皮毛士有真懷袖不攜生摘果功名須付老成人蒼寒天地梅花白冰雪叢中好立身

歲暮過西園有懷內兄

抱邾微吟餞歲篇西園風物自蕭然橫枝尙綴玲瓏雪新木纔生淡沲煙退食白魚香晚甌倚樓紅鶴下遙天故人不共桐陰話石几生苔近一年

再過西園

西還經歷幾春冬薄暝園林佳興同蕙草雪銷青綬帶牡丹火迫錦薰籠魚衣冰面連錢碧雁字霞天映帶紅莫怪庭階

生意滿小樓昨夜已東風

寄訊女弟子

畫堂東畔綵幡風姊妹花前一笑逢  
釵樹九梁金翡翠裙花兩面繡芙蓉  
口香北苑頭番茗眉綠西山第幾峯  
料得新年嬾針線春衫纖手慢裁縫

閱電鈔知石甫觀察備兵右江喜賦

朱鳥南離望繡衣鏡中鬚戟未生時  
身為雛鳳知名早官比鴛鴦待闕遲  
君侯簡三年矣不似柳劉傷謫宦  
好收側貳作蠻姬時靖亂未政成莫負撻酥手  
要和東鷗絕妙詞周叔芸前輩嘗官右江道

鰈舫花事頗盛詩以張之

吾廬大似冬花盞香光團結紅霧酣  
又如江上木蘭舟名花甘果置兩頭  
荏苒西京歲華晏同官饋歲紛羔雁  
承筐屢卻

紫陽茶飭簋不登城固絹獨有唐花顏色殊貽我雙燕受一  
株饋多慚似董林杏髥盆八九羅庭除城東七十灌花翁土  
屋窸窣回春風火爲輕暘水爲雨日夜霏灑兼熤烘臘前百  
卉已甲塲眞珠蓓蕾含小紅十九年來買春色金錢累萬花  
間擲花翁解意不待求奔走南牙薦丹碧選花如士須及時  
獨留梅十水仙百我營客贈皆可憐小眠齋裏交芳妍橫枝  
低亞姑射雪冰蕊烘破綃囊煙海棠碎點燕支萼緋衣亭亭  
立我前鼠姑非時吾不取綠葉交扶紅已蕩回頭卻憶長春  
寺斜街萬人揀姝麗一向紅羅旂旒天前年鐵騎縱橫地桑  
田爲海海爲田如今依舊成花市金犢車中盡貴遊銅駝陌  
上無乾淚賈島薔薇徒怨誹劉郎葵麥嬰時忌鰈舫中人醉  
欲眠菀枯莫問京朝事小除前日天氣新花枝在手酒入唇

日者許我放翁壽更閱花叢三十春

十二月二十六日得電鈔調補浙江臬使敬賦

風節文章慕白蘇

君恩特許住西湖遂移明月秦臺鏡

去寫春雲葛嶺圖知已至今餘管鮑

謂藍洲子虞諸君

到官翻得歷

莼鱸使君縱有煙波興能捨三秦父老無

歲除前二日雪

高天雨玉復雨珠饑者得粟寒得襦連城俱爲舍衛國布地  
何啻黃金鋪一昨鳴鞭出南郭麥野盡展青氍毹久晴黃塵  
歎馬鼻無雪其害雪其甦碧翁果如老農意譬以渴吻承醴  
醐萬丈冰蓮擎太乙極天銀海涵西都寒人夜臥火炙背衙  
吏晨參冰在鬚四廩驩呼趁饒粥南山未便妨樵蘇我時移  
官向浙右遲遲行與春日俱黃紬已封肘後印縹帙未卷牀

頭書門生解事致茶串檜雨松風生竹爐

竹苑惠茶極佳

一冬三見

瑤臺雪烹點忙煞蟠螭壺老鶴個強不奪素小梅斌媚還施  
朱獻歲梨花澄臘甕朝元木屑盈天衢遠行吾已倦車馬大  
寒世始知貂狐明年今日一船雪春風著我西子湖

雪中讀湘綺樓詩卽用其丙子喜雪韻三首

太白仙才世不多濺珠霏玉兩相和飛英會上曾交臂掃葉  
窗前且訂訛

集中多誤字

釣雪清湘朝荷笠朝元行殿夜鳴珂吾

曹蘿袞何分別好續陽春一曲歌

三輔豐穰久澹災誰騎白鳳散花來閒中小賦酬雉霓酒畔  
清歌奏忽雷高詠合登羣玉府凌寒一上望春臺梁園若授  
先生簡未覺鄒枚是異才

新編眞當古書看月地雲階別樣寒漢殿屏風晃雲母唐賢



洞府署猗玕漫疑銀海花生眼直借湘江水洗肝一世衡山  
依芋火燒梨 天子見應難

壬寅除夕

西府暉暉庭燎光朝元端整繡衣裳信知鰈舫春風早銀燭  
垂花照海棠

十九年來判牘勞能將秦隴土音操西臺檢校樊山集關內  
文章一尺高

量移多節領之江鵲報新傳閃電窗好把煙波洗塵土明年  
眞上木蘭艘

紅閨兒女慕錢唐開到辛夷卽辦裝打點西湖頭一願先拈  
靈隱寺中香

十錦名城似畫圖香山標榜又髯蘇世人都道湖山好好過

長安舊雨無

中丞方伯以下無不  
惜別余亦不勝戀戀

蟠根二麥綠初齊  
喜入豐年百樣宜  
檐際猶封待雪雪  
燈前重賦祭詩詩

調鉛弄墨女門生  
附鶴書來在碧城

是夕得竹  
延兄妹書料是無眠非

守歲玉梅花底話西京

不辭今歲今宵盡  
頓覺明年明日催  
見說

君恩似花信

每年二十四番來

癸卯元旦

行宮早朝

起攝豐貂夜未央  
紫珂蔥轡謁明光  
兩行寶炬籠紗出一路  
春泥爆竹香星轉玉繩  
催曉箭雪晴金闕晃  
朝陽乘春更覲  
龍顏去會見天池集鳳皇

開歲五日小園餘雪猶在

鵲多時露羽翰園林臘雪尙留殘梅邊撲簌疑花落松頂  
停凝當鶴看東府圖書羣玉朗西樓眠夢水晶寒藥娥欲鬥  
春宵色未覺風前縞袂單

客和殘雪之作疊前韻

冰檐凍雀曬輕翰日出高樓粉未殘天女花多麈麈見石頭  
路滑倚筇看天街過錦防泥浣夜榻投瓊覺指寒掃地焚香  
齋閣靜自添杼炭展棕單

再疊餘雪韻示客

積雪終南互染翰瑤華明麗忍摧殘絕知姑射肌膚似莫向  
安仁鬢髮看老友冰心多耐久癯儒壽相不嫌寒嬋娟持作  
煎茶水肯共羊羔上食單

三疊韻詠餘雪

上春重染兔園翰未覺林花昨夜殘玉蕊蕃釐如有待金蓮  
頃刻莫同看賦梅大段紅情少倚竹蕭然翠袖寒直等春風  
消得盡一庭芳草綠花單

人日迎春效初唐體敘別

春光不落歸雁後酒盞常置梅花前園林散雪仍團雪樓觀  
迎仙復望仙望仙樓畔青旂舉彩仗東郊競笳鼓七日方開  
薦鵠筵一年又換鞭牛土去年人日故人同今年人日別離  
中蠟鵝花下遲遲夜金燕釵頭裊裊風蠟鵝金燕皆依舊故  
人那得長相守爲問分看百種花何如同傾一杯酒百花酒  
熟須謀醉中有秦川美人淚若將紅淚滴春槽何止中山千  
日睡千日常如一日春今年漸老去年人世間白髮持公道  
陌上飛花擁畫輪花開陌上歌聲緩乘興東遊不知遠楊柳

青時馬去遲湖山好處春來晚湖山好處此間無此間人好  
勝西湖判將佳麗歸吳越未必風流遜白蘇蘇髯白傳吾同  
調鏡裏朱顏都未老相別當如春日遲相逢當似春風早東  
望望春春已歸西望望君君可知明年人日題詩處是我西  
湖西望時

贊臣領師範學堂事四疊前韻戲贈

楷模不獨在詞翰苦守遺經說抱殘山上山形同嶽峻門生  
門下當孫看瀾迴學海流何遠薪盡儒林火未寒供奉神師  
堪一笑如今關內有田單

昔抱冰師設兩湖書院擬延杜仲丹主講余爭之師曰子以爲不稱

耶此特田單神師耳

賦得梅聘海棠

齋頭朱梅海棠同時著花光艷照人戲成四解

芻尼柳上報春歸  
花有風情玉有暉  
當汝佳兒佳婦看衣裳  
一色染宮緋

春睡唐宮酒醒遲  
江蘋珠斛有餘漚  
如今消盡樓東恨  
爲取楊妃作小妻

道是無香恰有香  
珊瑚玉樹學鴛鴦  
好教鶴子投慈母  
羞喚山礬作小郎

雙飛齊入紫宮簾  
難得名花福慧兼  
成就青紅兒女願  
綠陰生子半酸甜

海棠果色紅味  
甘較勝青梅

立春夜友松有詩五疊前韻

第一春宵試彩翰  
單于風動二更殘  
百年青史將詩代  
三輔黃圖當畫看  
缸面撥雲忘老至  
年頭釀雪補冬寒

去臘臘不  
煥特甚

須預惜河梁別  
尙待春衣換袂單

春寒六七疊韻

硯冰生纈罷儒翰尺涕臨風笑懶殘  
眠柳可能春早起睡棠  
眞怯夜深看馬行平地霜猶滑鶴訝今年雪更寒  
重襲貂狐  
肌尙栗紅闥添絮製中單

西北風高落雁翰待將佳雪起荒殘  
花須暖窖烘纔放詩向  
灰鑪畫與看銀漢水知通體凍玉樓人念外邊寒  
是誰綳綳  
忘龜手擬把黃金買藥單

賦得咬春八疊前韻

年少曾揮鳳沼翰紅綾宴後齒牙殘  
獅蠻任作常年供魚蟹  
休同異物看去冬蟹甚多華筍驚雷綳錦綻  
幽梨榨雪玉漿寒  
咬春筵上羣兒競卷餅區區較複單

同人見和梅聘海棠詩再賦四解

卻扇蘭房玉樹齊紅妝臨睡燭花低若教解語還輕薄卿亦  
孤山處士妻

芳梅解笑亦能言金鼎和羹與細論餽入黃扉卿命婦百花  
頭上互溫存

人間五恨說彭郎金橘鱗魚漫比方嫁得何郎好夫婿雪肌  
分與滿身香

幾生修到瑤臺上百兩迎歸紫府中值得天錢十萬塊春秋  
不斷海棠紅

夜雪九疊韻

天鵝落毳鷲飄翰竹屋通明玉漏殘疏密自欹禪榻聽尖叉  
懶覓韻書看然藜閣小回青照列柏堂深榜翠寒不獨琉璃  
屏覺冷春牛塑象也蘭單

是日雨縣  
送春牛



微雪卽晴曉起坐南檐下曝背十疊前韻

竹外幽禽暎翠翰松巔微雪漸闌殘  
簷牙粉絮因風起池面

冰花映日看萬玉妃纔溫曉夢

陳與義墨梅詩  
祭江南萬玉妃

兩黃人不

識春寒西臺暖勝雲門寺容我三年此挂單

淇泉見和量移浙臬詩疊韻奉別

玉溪文采映流蘇惜我雙旌到聖湖  
不分量移十錦地亦如

彩選百官圖物情戀別花攔馬鄉思掠人飯憶鱸

君浙人

煙雨

樓前好煙水情深得似隱侯無

贊臣移居關中書院十一疊韻

老鶴西來暫養翰請鄰祭竈燭花殘  
書知惠子車中載身入

通明畫裏看華屋新春雙燕賀胡牀  
舊物一瓊寒唱酬擬續

山薑集宮羽休疑發口單

友松贈詩書雪門爲雪門雲生讀而覺之十二疊韻一

笑

要知雲雪皆天物魚虎從來有脞殘宰相山中多不贈書生  
簷下映來看梨花夢裏何分別柳絮風前有暖寒省識六書  
通假義不妨老杜氏徒單

金史國語解  
徒單曰杜

癸卯同鄉團拜張樂設飲梅老首點借雲一齣寓惜別  
之意致可感也賦此奉別

舊曲梨園說借雲部頭進點示殷勤關中暫得陪楊尉河內  
猶思乞寇君南部煙花休箸錄東山絲竹感離羣公爲當世  
胡安定知否西湖待主文

正月十三日浙館團拜淇泉學使碧岑觀察簡招觀劇  
酒半淇泉肅入舫齋縱觀書畫作歌

長安春早初試燈春頭釀飲羅肴烝金錢買夜乃浙俗樓臺  
歌管丹霞昇我時移官往杭越居中坐我雲錦棚舞衣金縷  
交綵縹雲鬢翠飾高髯髻關中老友以十數當花舉酒如淮  
澠酒酣日夕紅蓮發水晶宮樣摹吳興座次點火油  
燈數十盞餅香緩  
唱渭城柳魚美正上黃河冰玉堂仙人專主席門羅桃李楊  
於陵與我結交十五載雙瞳閱人秋水澄絃繁管急急意少倦  
導入米舫開谿藤異書名畫盡羅致如鳳入笈蛟入罾解元  
詩軸紛彩翠華亭筆陣盤鵬鷹衡山細寫玉蘭照尺幅寸柬  
背以綾文待詔畫玉蘭贈人  
綾以小簡合裝爲卷蒼厓老樹湧突兀脩然霞外逢  
兩僧石壽  
石溪瞿塘灩澦常挂眼天台雁蕩疑可登參破畫禪出  
險怪取資佛力呈精能其餘煙墨並佳妙譬之洞宗猶小乘  
我癡自比顧虎頭作詩人稱王右丞衣冠脫略談風雅盛以

眼福相誇矜君家秀州我所治此行先採鴛湖菱由滬至杭必經嘉興  
他時憶鄉並憶我煙雨西樓最上層

再疊鱸字韻贈淇泉

春入秦川百卉蘇街西柳浪似歌湖玻璃盞子聖賢酒雲母  
屏風主客圖子弟並爲中散鶴兩猶子皆雋才神通能致左慈鱸君所  
至應有永嘉八面矜刀割爲間才鋒似此無

己丑客滬上識淇泉於小村中丞座中時君初登賢書

一彈指頃十五年矣三疊前韻誌感

往歲秦鼂客大蘇孝廉船欲返鴛湖東方未擁三千騎對食  
同甘四十鱸元詩歸釣吳松四十鱸賢主風流如謝傅仙郎輕俊異昌  
圖關西今試扶輪手回望州門有淚無

四疊韻寫懷

風土清佳杭勝蘇在官不異在江湖大宗臥閣饒山水元相

全家住畫圖漫以美官方枳鳳

客有言缺瘠者

虛慚巨口似松鱸

昔

郭主事共食郭誇左相陰口能容拳余曰口巨能作鳳凰山

是君王賜提點三年許我無

香山杭州詩皇恩只許住三年

關中春興五六疊韻

神皋春物盡昭蘇祇欠昆明水一湖

昆明池今湮

勸學侍刊三李

集過關誰貌七賢圖雪消隴麥青如屬冰裂河魚狀似鱸三

輔祇今猶漢最官清民樂九州無

眼明身健罷萱蘇人道詞仙似石湖碧樹風柔來戴勝紅房

春靜掩椒圖燈屏多畫桃花馬楹帖新題淡墨鱸

陸詩堆榮菱熟燕支

角藉藻鱸新淡墨鱗猿

風雅不教妨吏事名場曾見此人無

上元賽燈三日例往鼓樓彈壓疊前韻索諸公和

千燈百燈億萬燈青煙紫霧交浮烝繡衣夜行循故事九微  
火接朝日昇四十里中錦步障五步一置蓮花棚梅心已見  
紅的皦柳髮未放青鬢髻銅街東西門絃管有如二水分涓  
澗從古西都號繁麗秦以虎視周龍興漢儀大酺連三日銀  
花不落酒不冰吹簫玉女驂兩鳳輕裘年少驕五陵車中看  
殺非衛玠酒邊絕倒多王澄城中朱樓高百尺大鼓疑斲韓  
雍藤平廣可數十重席武帳旋設如張習樓縱廣數十百步  
空無垣壁同寅萃  
止設帷帳  
以次列座游徼四出禁誼閤憑高下視來蒼鷹摻撾知積幾  
箱杖清歌漫費百匹綾車後從行有膩衿馬頭衝突無詩僧  
物華天寶氣象別心知今歲當三登鼓歌不識堯舜力弛張  
妙極文武能自從西幸駐輦趕鳳皇來儀龍時乘夜遊不  
犯執金吾瑞應屢奏靈臺丞我后迴鑾庫西顧詔書惻惻

多哀矜邊方美利足鹽鹺湖田租稅蠲魚菱

有詔陝西錢糧普減二成

焚香點燈祝

聖壽金浮圖起十三層

元夜歸自鼓樓聞淇泉過訪失候燈下再疊前韻調之

朱衣前引籠兩燈攜茶就我同淪烝孝穆入關獨誰語寒陵  
片石從溫昇鰈舫主人出以夜獬豸嶽嶽巡花棚短髮茶僮  
踈應客進退局促頭髯髻翰林未接宣平席有如馬疲不渡

澠回車甯獨閤相如開圖空想曹弗興

韋莊詩開圖想不興

羣玉館中

惟有月念珠廳裏寒於冰我歸君去失交臂坐令美酒孤蘭  
陵高齋宴坐少公事纖雲四卷天清澄今宵火樹萬花發燈  
珠百串臘脂藤玉簪兩頭清如鳳紅羅四面密若罽玻璃半  
畫穆王馬素絹亦仿徽宗鷹平安火照蓮花盞蘇合油污柿  
蒂綾燈來宛遇採蓮女月出應有撞鐘僧君歸行臺列萬炬

九天鸞嘯疑孫登，雨花不礙維摩詰。道心欲過葉靜能，王  
音已賞瓊樓句。絳河獨許仙槎乘，眞長元度偶相左。勿笑我  
爲逃席丞，獨憐紅閨掌書記。絳仙才調蒙優矜，坐虛人月雙  
圓夕。斜背銀缸收鏡菱，鸛巢永夜聽清漏。夢到瑤臺第幾層，  
石甫寄示紀恩詩賦答

戲簡瀕生

東洲書派歸猿叟，北地詩名讓鰈翁。爲乞湘南齊處士，好鐫  
珠篆翠珉中。

疊石甫以詩見示，自註云：直鈔公一句近賦紀。恩詩



亦然戲題其後

敝衣搏搯玉溪生艷體西崑故不情麋樣時時學京兆鶴聲

一一辨楊衡藥偷幾粒歸蟾府梅有雙身現鳳城晏元獻有紅梅一株

爲園丁竊賣王君玉獻詩云剛被園丁偷折去鳳城從此有雙身自傍宮牆傳笛譜人間纔

識李暮名

可是東方食玉桃亦如秦女學吹簫楊家慣效唐臨帖棗本  
眞成宋影鈔鸚鵡性靈能學語葫蘆樣好不勝描憑君偷盡  
江東集不廢錢唐萬古潮

齊山人

璜

乞賦借山吟館詩贈以長句

山人無山恰有山湘波如鏡開煙巒紫蓋蓮華三十六山山  
都結梅花屋山人少貧無立錫黃茆蓋瓦荆兩扉養親不受  
胡奴米娶婦能補王章衣常以綬裝挂牛角稀聞菜肚驕羊

疏春溪落日採黃獨行吟自負長鑱歸平生三絕詩書畫刻  
石雕金師造化前明四家白虎尊楊州入怪冬心亞君有青  
山畫裏看人有青山門外開畫山競以真山易安置幼與邱  
壑間山人住山無一年去此就彼相周旋來時各以鄒田假  
去時復以荊州還山人所至工修飾紙窗竹屋明如拭一隻  
米家虹月船四面嘉陵山水壁竹林主人笑拍手其人與屋  
皆不朽沈寥天地寄團瓢到處春風一杯酒少年結交郭五  
賢倒囊屢乞草堂錢巢由不聞買山隱管鮑早以分金傳郭  
爲君友亦我友薜蘿關中意良厚君來就郭西入關讀我歌  
詩笑開口篆我茗玉三十方印文紅白何精良甯獨蛟螭隱  
金篋便偕彝鼎登明堂鴻鵠西來不可繫乘春切莫歸飛急  
西都賦裏饒名山紫白雙峰連太乙好收嵐翠入行旂亦有

白雲生臥席成就千秋萬世名借山借到樊山筆

雜憶五首

昔年索米向長安惆悵東壚取酒難猶有鷓鴣裘未典文君  
將去禦春寒

心事靈犀一點通私書花葉付秋鴻  
鐙前看了無人見繫著鴛鴦錦帶中

學作宮詞字未安波箋欲寫頗知難亦如商略亭臺稿畫堵  
先呈樣本看

封題錦字寄吳綾世態家常語不勝縱遇拆書鍾士季豈能  
詩謎打春燈

念詩讀曲隔花聽兩舌同簧界畫清不入西園公子耳誰知  
絳樹有雙聲

坐雨悶書

日程八九爲律雨館十千買春無術致君堯舜梨花一盞吹人

門外纓裾似織泥中車馬無閒忙到徵君畫裏思量此箇人間

西堂春興

池館陰岑雨弄絲猩棠開早燕來遲消除萬事書遮眼解散  
千愁酒熨眉大宋落花知貴達顛張春草足嶽奇香山詩意  
無艱苦雅稱春風淡蕩時

與客話申江事

拋擲黃金海可填出門咫尺卽蓬山縱橫闔闔疑無地晝夜  
笙歌別有天香茗三層樓上下畫橋十字水中間裙裾如織

春如夢酖毒鶯花誤少年

進退格

年少迷春不是春良家兒女委風塵芙蓉館裏眞煙瘴翡翠  
巢邊假笑顰錢虜也談風雅事輿傳多是綺羅人虛無海市  
連雲起鮫客螺姬箇箇貧

介眉將軍自畫東郡紀遊圖屬題卽步卷中自題用東  
坡宿牛口詩韻圖蓋甲申歲介眉官祠部時從延尙  
書勘視東河作

自漢急宜防爭言塞瓠口東河昔沈菑水嚙斷岸柳以金擲  
蛟龍官職西園舊君時賦皇華來飲濟南酒雁戶纈衣糧河  
兵肅刁斗手寫東遊圖金篋緘之久從來鴻烈註不可無高  
誘索我和坡韻我卽杭州守斯圖掌故存豈止畫中友更讀  
畫中詩一姝掩百陋筆力有餘勁挾河嚮東走

送夏五彝

壽田

編修入都

君湘人隨宦蜀中最久戊戌  
第二年及第

楚蜀英靈聚一家藍田鄰上此郎佳通身玉骨裁眉雪十丈  
紅蓮榜眼花會見禁林庸頗仄牧更饒經學繼乾嘉此行穩  
步煙霄路白玉堂中待草麻

三月朔雨日食不見

庭氏虛彎救日弓羲和應策雨師功烏駘無恙行天上龍虬  
何勞縈海東誰見太陽遮黑子莫將初月問黃童崇朝甘澤  
盈天下復旦光華慶再中

西堂春興

一枕西堂宿雨餘春駒飄影過交疏庭莎綠襯緋衣鶴池水  
金明繡尾魚頻喚茶來留客話暫拋花去課兒書後園隙地  
除荒蕨半種垂楊半種蔬

光風轉蕙泛崇蘭，簾閣幽幽草不刪。  
梁燕有情交哺子，林鳩雖拙也名官。  
聞雷筍迸犢雙角，過雨苔添豹一斑。  
寒食前頭兩株雪，不須惆悵憶東欄。

衣繡三年受吏衙，林亭還似野人家。  
臺烏八九皆生子，蝴蝶單雙總戀花。  
白白桐絲輕可紡，青青梅葉小於茶。  
點胥偷記新詩去，寫徧屏風六扇紗。

暮春三月麗人天，休撈楊枝贈馬鞭。

時候代未至

曲水遊從紅杏

始，玉堂歸在紫薇先。治書每夜過丁夜，修禊今年又癸年。  
王謝從來多任達，臨河佳序慕前賢。

### 題綠珠畫像

倩女真還隔世魂，明珠重現掌中身。  
平生第一清談好，閨閣居然有晉人。

明妃果薦奇章寢弄玉還歸沈下賢  
解釋當年金谷恨一生含笑對樊川

西堂春興原韻

柳眼柔穠綠有餘  
踏青時節雨疏疏  
風嘶杏葉連錢馬  
水暖桃花尺半魚  
口福又叨重醞酒  
淇泉送梨花酒  
目光猶下五行書  
漢宮未拜新煙賜  
且可琬盤薦冷蔬

大好村居憶紫蘭  
樂天詩稿半存刪  
堂前燕睇仍尋主  
池上蛙鳴也在官  
蠻榻紗輕分竹翠  
楚衣香重漬梅斑  
直緣案牘相拘檢  
不到花開不倚欄

柳煙春鎖曲江衙  
不信金衣是道家  
上巳逢人吟芍藥  
清明多雨誤梨花  
晴來僧院繁遊屐  
暖至官廚罷乳茶  
穀雨猶遲霜未斷  
南窗休換牡丹紗



悄悄池館午晴天香炷初然紫馬鞭九錫魏姚花在後同盟  
滕薛筭爭先賦詩蘭里重三日平賊元和十二年時粵亂舉將靖

世昇平關內熟當春惟覺酒杯賢

清明雨中

薄陰罨樹曉萋萋三月餘寒鶯未啼兩髻新煙榆莢火滿鞋  
春雨杏花泥燕如游宦巢難定柳似雛鬢髮未齊每歲清明  
思舊里子規聲裏發紅梨

新霽

濕煙吹霽曲江春草色裙腰積漸勻紅杏合稱新進士綠榆  
應是古錢神懺鵲成鶴天無恨將虎儕鷗物自親見說東菴  
逢穀雨姚黃接引看花人

三月二十八日大錄獄囚畢醺客於默化堂循故事也

卽席索諸公和

百吏晨趨御史臺  
闢門大錄動風雷  
乍停秋讞丹毫筆  
試舉春風藍尾杯  
喜雨詩偕修柏賦  
紅雲宴爲海棠開  
爽鳩事畢朝天去  
更領東門祖餞來

四月十一日同菽軒方伯  
移香葆生兩觀察過八仙菴  
看牡丹會吉甫中丞亦至  
遂同閱興慶池故址歸賦  
長句紀之

慈聖西幸昌元風  
別啟玉清昭應宮  
精鏐輦賜出內府  
金書蠲匾光熊熊  
黃幄小憩進酥蜜  
御香猶染丹臺松  
花樹非常賜顏色  
至今紅紫何纖穠  
道人種花愛姚魏  
東京花價西京貴  
穀雨前後十日間  
似合楊妃五家隊  
官身局促簿書底  
端坐城中想百媚  
夜來風雨湧春潮  
祇恐昭州紅色退  
瞳瞳

日出城東隅黃公趣御班蘭車客來不速吳與郭相逢一笑  
聯纓裾蕊珠宮闕仙雲曉洞天彩翠知多少金掌朝晴煙露  
濃玉樓夜醺香光飽就中綠萼更殊絕買春十斛珠難了憶  
曾進奉長樂宮金母晨妝簪戴好不御青鸞返舊京花神  
日夜思瓊島大似行宮奉帚人西巡記得唐天寶花下徘徊  
綠茗杯八騶前引中丞來韓尉祥徵非芍藥晏公舊物換紅  
梅道人花前徵故事宣宗舊賜紅綾地當日宸游彩鷁飛如  
今桑麥青如罽聞道新疏疎碣泉涵河水繞宮牆細願獻琳  
宮百畝池春波展出壺天翠別有魚陂水碓風盡收菱角雞  
頭利丹房六月薦新冰畫舸終年納游稅西京所乏惟煙波  
曲江漢陂今種禾道人致地與檀越頓令平陸生秋河周厯  
菴西恣遐眺宮池遠欲規摩訶中丞愷澤方白傅藩宣亦是

今東坡對起雙隄植楊柳其如奪我西湖何源頭活水無窮  
已更種田田萬柄荷

幕僚王君新婚時方司權鳳翔

芙蓉幕下十年餘櫻筍筵前合初面壁禪心偏旖旎  
君自畫眉新手尙生疏茶清粥淡貧仍樂宦早婚遲意自如此  
去東湖波似鏡照君雙坐碧油車

行有日矣而婦病甚坐雨悶書

北征杜子東裝輕樂府翻歌病婦行愁裏關山愁裏月雨中  
芳樹雨中鶯榮途不盡紆迴意老境偏多繫累情賴有彭城  
蘇處士藥鐺三沸慶更生

排悶

風柔雨膩作端陽齋閣悵悵日正長鏡攝衣花呈屯字

照像  
佳者

衣上花書題扇葉作雙行發揮名理由心得識別人才要眼  
紋畢見  
光案牘已清裘未辦垂簾消領幾銖香

午日雨

轅門飛鳥避旌旄靴版中台逐隊還朔日釀成熟梅雨

時連雨五

日南風吹潯澡蘭天得梟好佐天中酒奪錦眞愁海上船

聞俄

日構兵

今有南朝王鎮惡紅榴如火照瓊筵

是日北都護生

贈程戟傳太守並柬菽軒三兄葆蓀五弟卽以留別

五馬軒軒下絳霄西京官屬得仙曹上層久待元龍臥累百  
誰如一鶚高漢最循良神雀紀謝池文采鳳皇毛家山九面  
屏風裏合有詩歌繼楚騷

黃公視我擬同懷二妙尤欣聚一臺瑞應圖成四紅藥

署園芍藥

始開英雄論定幾青梅季興天下無窮事名士官中有用才隔

歲花開同置酒鳴騶還待秀公來

賀葆孫生日時方統四旂督修水利

河渠遶湖漢西京歌吹聲繁細柳營百二丞開秦國利十三

還並帝君生

是日祭關廟

鴛鴦豔奪神仙福君刊小印曰願鮫鱈作鴛鴦不羨神仙

難當子弟兵

君修礮礮壘成大照眼榴花妝閣喜忘憂萱草水驟至隄竟亡恙

板輿輕

時太夫人將至

五花玉轡驕名馬

君有馬癖

萬柳金隄聽曉鶯

盧肇是龍孀大午

五月望為大午

李侯占象應長庚力田處處皆秋

熟衣繡人人羨畫行文武兼資將家子麒麟高閣勉題名

戟傳和答前什疊韻自述

提舉宮衙署洞霄移官兩浙稱吾曹清言東晉方西晉秀色

南高並北高天際神羊來一角文中鳴鳳想三毛

語云浙中三毛文中

三湖山千古風流地海上鯨鯢漫驛騷

莫以離憂損老懷  
長春大道接雲臺  
聲名標榜慚秦鏡  
人物嶽嵴愛楚才  
二百回圓關內月  
一千里寄隴頭梅  
國人都  
公歸望願紫蘭堂  
署西來

余官陝西來去二十年甲申始至辛卯再至庚子三至

次戟傳韻二首

諸葛爲龍臥不安  
西風吹冷漢衣冠  
敵人爭逐關東鹿  
上將誰驂嶺外鸞  
欲著萬牛挽滄海  
聊憑一髮寫青山  
書生結習猶癡甚  
老傍詩林品杜韓

采玉求珠眼尙明  
暫時萍合漢西京  
綠荷作柱羣知弱  
玉局彈棋那得平  
後進意皆輕宿輩  
不才人自負科名  
回瀾終是吾曹事  
誓掃妖狂翊聖清

空上人以唐善業涅槃造象及宣德銅槃贈行賦謝

樊山耆古天下知  
知我近有空舲師  
師爲山東豪傑士  
沙門

忽現當關懼惜我移官往吳越巾瓶未暇遊淨慈以唐造像

證慧業以銅盤銘寓頌規六朝好佛世所無范泥千億態各

殊子爲父母婦爲夫標明願欲留拙書

六朝造象字多醜拙

唐人精楷

婉兩晉背十二字歐褚如莊嚴妙相杪樛陰伽藍俠侍雙獅

彫趺平首銳仿珪製度以漢尺五寸餘厚四分強堅若石厯

劫不壞金剛軀范泥范銅各精妙明宣德朝亟鑄造深宮下

詔發水衡虞部上章簡工料

詔及疏備載宣德鑑志

君后服御取其中

上品煌煌薦郊廟當時寶貴甚儲彝至今贗鼎紛相倣此盤

正方圍一尺中有宮詞語舊峭鑄以七年上元日背鐫內用

雙龍抱上人持贈方瑤瓊扣之俱作金石聲我方趨朝聆

佛語相期入對陳湯銘師意良厚難爲答山門留帶慚貧

乏東行寶氣月貫虹壓倒錢王金塗塔



夢華老友赴蜀臬任假道秦中留飲劇談賦詩贈別並

示同座葆生觀察碧岑戟傳兩太守

車笠交情二十年相逢秦苑熟梅天外臺寂寞甘常調

宋人語云

常調官好做

時論縱橫薄老先近事朱鷺雲黯黯離情金雁雨絲

絲都將兩眼憂時淚漫盡麻姑海上田

老閱名場識苦甘少年才筆歷江南惠文冠底誰稱首進士

科中愛第三

君丙戌探花屈指科第三人最得才多近人句也

天外天憑槎客

到夢中夢聽妄人談平生雅得詞章力苦守青檠老學菴

東坡薄薄酒堪傾何忍當筵號獨醒天意特留書種子儒林

難得老明經家常魚蘖來今雨海內琴樽幾曙星屈指貞元

朝士盡何哉歌曲不能聽

送君西上我東行勞燕參差別漢京靈隱詩僧迎白傅成都

猛將避花卿山圍寶石煙鬘重水到青衣鏡面平江路一條  
七千里與君首尾共澄清

五月十三夜聞鵲

舉頭見華月漸滿如佛面窈窕玉女窗流暉閃薄電鵲喜昨  
雨清明河皎匹練離立嚮南枝好音若珠貫豐年合有慶病  
婦或當健福我小兒女舉家皆平善老年愛吉祥對汝齒爲  
粲清影一簾花莫驚徐郎彈

樊山續集卷十九

恩施樊增祥雲門

近光集

起癸卯五月  
訖十一月

癸卯五月二十四日發西安止於華清行館將軍中丞

以下送者餘三百人感賦

入水爭如別意長出郊旌旆盡飛揚台司自叶壠筵誼

余弟中丞

而兄方伯

掾屬無非桃李行

卸任後僚屬多執弟子禮

西北關河

天所眷上

東冠蓋道相望青蓮祇得汪倫一莫以花潭例此鄉

渭南感柳

丙申丁酉間所種

手種垂楊萬萬枝渭城煙浪足相思鑲金衣帶青青髮此是

樊山七歲兒

出華州屏去牌籐

王融槌壁亦何求苦道車前少入驕何必霓旌與芝蓋蓮花  
仙掌在前頭

輿中遣興

今年盛夏比秋涼車騎輝輝滿路光行轅攜茶惟冷飲驛牆  
落墨半斜行秦雲蒨麗如嬌女渭竹檀欒是故鄉怪底酒痕  
紅上面殷勤父老致壺漿

菽軒三兄葆生五弟皆臨分泣下余亦泣然

馬范交期如手足韓張授業匪文辭慘袪一灑神州淚轉羨  
新亭是盛時

華州行館雨中與葆生雲生夜坐

灝水虛連漢將營瀋陽猶駐黑河兵徒勞小范憂天下忍聽  
何戡唱渭城雨榭一樽炎暑退風簾雙炬夜談清不須重惜

河梁別世事悠悠去住輕

葆生偕唐司馬童大令送至闕鄉同宿於河神廟質明而別

送客灞橋情已盡情深尙覺潼關近出關五十里黃塵衫笠蕭蕭垂柳映臨流祠樹碧於雲古殿乃祀河瀆神東西道院並修潔草花石几羅苔茵三君就我夜連榻解衣乾浴飯有鴨綺綵親傳海上琴時以琴贈葆生淚紅猶惜關中蠟寺鐘三打朝噉紅君馬西還吾馬東一聲珍重車塵起勸頸數望蓮花峰

澠池韶峰書院雙桐歌

高宗御畫雙桐書屋圖董

達邦汪敦

祇詔題輦跗宮簾春曉暈

金碧垂簷對立青珊瑚

圖爲乾隆中葉作自後每歲一題三十餘年

御墨幾滿監奴竊

出懋勤殿市估索值千金餘囊空金盡無由致至今奎畫

能追摹竭來韶陽憩精舍兩株青玉交扶疏明簾紙閣設清  
供綺牀薰陸羅奇書佳禽適來金翡翠新莎滿布花氍毹猗  
嗟嘉樹誰所植圍徑一尺瑩碧膚森竦迴出步檐外交柯接  
葉雲舒舒朝露垂枝拂金井午風動影臨紗幮我生愛花莫  
如蓮我生愛樹莫如梧桐乃爲佛所宅梧桐乃爲鳳所都  
見花自轉千佛名有樹可栖雙鳳雛兩齋弟子並高秀落華  
取實當何如五月清涼想褰褐晚來冷雨疑秋初葉聲聲  
相應答瑤階滴盡春槽珠我亦還朝蘇玉局此與東府甯差  
殊五年再讀雙桐畫清景人間何處無

雙桐書屋圖已亥夏見於京師今五年矣

張茅硤石間風日淩冷重棉猶慄卽事有作

今無六月雪而有五月裴梅天半陰晴石氣青幽幽茅硤號  
奇險薜蘿西巡遊疆吏亟修平康達達中州離宮及御宿丹

漆而碧油迤邐七百里無復魚鱉憂我來際陰暄萬壑風颭  
颭以棉加葛上一身備夏秋老兵掖我輿狀若蘭單牛行臺  
美簾簾清酒如泉流一杯紅兩頰炙香熏被篝帷幌獲奇福  
蚊熱非所愁

閏午日宿新安縣廨

靜院鑪熏沈水含從容小邑息珂駟南風解愠愠雙重五東道  
留行一再三是日擬宿磁澗言大令有章挽留至再新酒泛蒲香飯美小桃夾  
竹露紅酣憐渠玉雪嬌兒女自摘安榴勸母簪

新安署齋見悉伯師楹帖感賦

病腕支離十四鴉酒邊彈淚濺屏紗當時几格尋常見今似  
菖蒲葉底花

戲贈阿頻

眠遲起晏不知愁催上金車索臂憐晚傍榴花安鏡具夕陽如水照梳頭

閏五月初六日中兒迎謁於洛陽城西十五里明日護

眷如汴梁賦示

初試牽絲手欣看納粟郎風塵請吏事鐙火話家常弟妹色皆喜妻孥累暫忘朝天無罣礙未免憶金梁

渡河內子欲偕行余止之

孟津北去淼煙波快馬輕輿取次過織女明星不同渡人間亦自有銀河

初七夜乾溝橋行館見月

長黛娟娟畫未勻初三弓樣掩輕雲一旬梅子黃時雨度了河橋始見君



玉宇瑤樓未覺寒  
迢迢迴出碧雲端  
光明一片秦臺鏡  
多少蒼生仰面看

自繙行卷寫朱絲  
攄馬喧騰上豆時  
萬事淹遲成一笑  
月中纔補雨中詩

是夕作硤石道中五古一首

玉臂雲鬢是也非  
去年今日送將歸  
瑤臺後夜相逢處  
香霧濛濛淚濕衣

### 寄五彝

第二人如韓稚圭  
臚雲甲第有光輝  
高陽里爲荀龍重  
忠孝

名於鄭獬歸

君廷試原擬第一

白日懸將肝膽照  
青雲生得羽毛飛

冰壺玉尺詞臣事  
會見星輶出帝畿

孟縣以東林木茂  
密風物清美喜賦

雞犬相聞阡陌通  
肩輿安穩勝烏蓬  
炒茶火接頭青後  
衣繡

風生萬綠中瓦屋三椽當畫黑石榴一點動人紅冰襟六月  
渾忘暑不用浮瓜羨鄴宮

再詠王嶺梅事寄淇泉

買得焉支山下春曲屏風底鞭生塵依稀畫象三娘子綽約  
青衣兩玉人爲惜花顏肯擇對不逢枝指枉含顰小桃未嫁  
青春短可惜漁郎別問津

堂下盈盈卽絳河佳期咫尺有風波私奔甯不慚卽令方便  
終難借孟婆坐有血痕啼杜宇死猶舍利出鸚哥仲卿不附  
蘭芝塚萬古情天缺陷多

獲嘉令以散館改官戲贈

頭簪銀筆下清都百里栽花得自如休論玉堂天上事狀元

選讀學堂書

新章本科鼎甲庶常俱入大學堂  
三年卒業領有憑照乃得散館

寄繅漪兄妹

高弟經年別絳紗朝天今日當還家金釵預換雲亭酒素手  
重煎雪水茶一卷珠璣行笈草滿門桃李女兒花謝庭明韞  
俱才俊棋墅聯吟定自佳

木蘭店感舊

斜日荒城柳弄煙沁河新水碧於前木蘭店裏填詞夜雪打  
花朝又七年

輿中悶坐戲作兩頭纖纖歌寄葆蓀

兩頭纖纖牛戴角半白半黑簷間鵲膈膈膊膊弄絃索磊磊  
落落人中鶴

兩頭纖纖柳眼長半白半黑石屏方膈膈膊膊炒豆香磊磊  
落落梅子黃



宿宜溝驛再用辛未年題壁韻

舊句題牆三折波  
竭來無復渭城歌  
少無根抵言皆妄  
老閑艱難事轉多  
罌粟一花熬作醪  
河北收桑乾萬淚滴成河近詩古來失路萬人淚斷續滴作桑乾何北來風景何分別  
窮達無心較袞蘿

三疊前韻再寄仲彝徐州

賭酒曾傳卷白波  
伊州揭調尙能歌  
心輕天下英雄少  
恨比當年耗多  
袁甫精明猶劇縣  
王郎感慨敘臨河  
回頭三十年  
夢老屋城南欠補蘿

四疊前韻書感

談瀛休唱定風波  
小雅詩人祇怨歌  
海靖刼盟公法廢  
美查載筆野言多  
居夷何地非紅悔  
修道無心鍊紫河  
莫傍槐柯觀蟻閑  
臥牀密邇是檀蘿

過宜溝驛 行宮有感於庚子年事五疊前韻

行宮月色上簾波黃竹幽蘭一再歌 西幸金輿從騎少北

來花榭冷螢多

沿途皆有別館局閉甚嚴

紅旗故相生前壘

剛毅率拳匪入京大旗高

數丈白骨春閨夢裏河驛卒早忘妖亂事晚涼花盃進松蘿

計日抵京六疊前韻寄都門親舊

待將畫舫漾清波先奏 虞廷八伯歌龍尾日躔三海近馬

頭月色九霄多蕙煙惹袖還金殿荷露烹茶又玉河更乞西湖作湯沐外臺居處足雲蘿

用方順橋舊韻寫磁州風景

十頃荷花萬柳絲江南漫把北人欺魚陂水碓俱宜畫菱角

雞頭盡入詩彩鳳雙飛雙置酒

丁酉攜內宿此

玉驄九過九填詞余

過磁州皆有詩詞

黃塵如霧邯鄲道好在煙波洗眼時

余少作鮮愜心者惟方順橋一聯暖簾不捲燈熏蠹破  
壁重泥粉蓋詩以爲得唐人佳境然腹聯以羅袖對  
少年則律仍未細也再疊前韻

苦吟薄髻未成絲得失心知忍自欺工部細研夔府律端明  
淡寫惠州詩少年浮豔隋宮體老境沈深漢獄詞比似還丹  
須候火幾人眞到九成時

出磁州北門候車未至小憩柳陰下書見

粉牆竹柵是誰家碧玉溪光兩道斜驕馬癢時磨柳瘦小鶯  
嬌甚賽蘋花天中艾虎紗初換近兩日始熱暑裏磁孩枕亦佳磁  
多作兩孩拱伏狀上得籃輿仍不去貪看雙鷺立煙沙

過湯陰謁岳王廟

金牌火急出臨安五國城中白日寒泥馬屏王渡江易鐵椎

養子擊秦難故宮有客歌離黍樂府傷心踏賀蘭我到西泠  
搴廟柏與王灑掃作祠官

再題岳王廟壁

背鬼五百等颺馳姓氏中原草木知法破孫吳羞泥古功高  
斯魏更能詩謂韓世忠張浚虜中拐子無全馬宮裏針神賜繡旗四  
字涅痕三字獄蒼蒼施報至今疑

西河父老望成功自壞長城怨九重南渡小朝終白雁北庭  
霸府自黃龍早談兵法驚留守晚雪沈冤感孝宗怪得楚人  
瞻拜切當年荆鄂是提封

余讀北史最喜高神武過鄴屢賦其事今再詠之

英雄投袂起鮮卑風誼機權見亦稀看斬亂絲心自許能馴  
惡馬眾爭歸飛龍膝下三英主落雁宮中幾玉妃欲訪香姜



求片瓦屋山金字已全非

鄴中

清河如鏡鄴城東無復高歡避暑宮政爾虛名薄袁紹居然

國色出曹洪錦堂未是能文手

見宋景文詩

銅雀終高折臂公賢

令勸爲河朔飲西園飛蓋燭花紅

安陽令留行頗切

魏家營見馬櫻花盛開

依約城南見彼姝燕支洗影映清渠門前送客疑紅拂嫁後

宜男定髮鬚綠耳梯來高摘艷桃花馬汗細零珠金屏早晚

隨開闔記得春燈隱語無

或出燈謎門前一樹馬櫻花打  
禮記二句戶開亦開戶闔亦闔

高敖曹

龍犀豹頸鐵兜鍪人物英彭第一流抵死軍前張鼓蓋快心

枷上斫入頭風流新婦知詩否氣力河神敵虎不鞭撻健兒

終賣主始終論定似桓侯

絕句

高昂豹頸身隨盡韓軌豬腸貴有餘  
上士傷亡中士死朝家封拜付庸奴

河北行館夜坐遣興

明蟾入戶照行牀夜渴呼漿僕漫磨  
暫駐顏霞女兒酒未消心火老人燈  
王磐咏老人燈詩猶有心頭火未消  
詩思趵突泉千眼官級靈光塔七層  
京洛故人今復見風期無改玉壺冰

韓魏公故里

臚雲五色朱廷占出入中樞將相兼  
夜寢層城懸玉帶早朝三殿撤珠簾  
香留晚節身堪老敕下空頭后不嫌  
省識兩宮慈孝意調和椒掖甚梅鹽

人言光獻勝宣仁溫國何如魏國勳日月雙扶皇極道華夷  
俱仰泰山雲幸教歐富同知政其奈荆舒晚得君新法盛行  
公在告元豐官制日紛紛

不談理學是真儒汲引諸賢列玉除鬼怪深憎石居士風流  
不樂朱尙書聲名轉盛熙甯後位業先隆慶厯初功冠三朝  
兒再相銀州貴壽豈能如

相州持節控幽燕畫錦堂深列綺筵蓋世勳名輕著作

小朱  
議公

不還鄉富貴卽神仙學如涑水開書局仁比天平置義田刻  
石煌煌歐九記時文早許一燈傳

余嘗謂畫錦堂記  
是一篇散行時文

### 憶阿璘

隨娘別我兩依依長大傳經或庶幾看戲亦能談古事見賓  
常願著新衣紗籠螢火書邊照髮繫蜻蜓屋裏飛不識西湖

在何許花前惟是盼爺歸

順德行館鐙下自書日記聞鄰店琵琶聲有作

聞笛山陽境逼真驛程今日渡洛津誰家碧玉初教曲有客黃金願買鄰溫尉錄殘乾臘子江州感動濕衣人尊前一寫明妃怨更助坡詩百態新

子修典試雲南過於順德行館喜贈

使星如月出京華六月黃塵撲帽紗綠螳暫同河朔酒碧雞遠賦日南花求仙東海謀眞誤談次及東洋事踏雪西泠願豈奢約君訪余此去荆門煙浪濶臨江草閣是吾家

疊韻酬子修

多收秋實屏春華不患鍾陵障眼紗世傳熊次侯典吳試夢人贈以眼鏡遂迷五色文換神龍當日藥唐神龍中尚臺閣體士如天馬滿身花要知經濟須

信者莫倚縱橫是作家卻指西湖爲息壤與君畫地作交賒  
子修來詩期待良厚再答

身騎驄馬入東華重對宮扉十扇紗御稻少霑春後雨苑

荷還發劫餘花責知夷甫諸人重謂肇拳禍者俗厭歐羅一味奢

今學西人者但學其侈日下學堂根本地好將忠孝答天家

模齋京兆送鐵牌如邯鄲遇於順德登前韻爲贈

日出扶桑望使華姓名早記御屏紗久儲香艾三年藥飽

看紅櫻百島花我覩卿雲先得快人望霖雨後彌奢明朝金

簡投龍罷同踏春明覓酒家

夜半登火車卽寢

扶上颺輪人語喧月中城郭過如煙亦如醉著吳船上聽水

聽風自在眠

至眞定換車板屋新淨喜賦

檉柏清華結構工銅樞網戶望玲瓏  
自忘一日行千里坐臥依然鰈舫中

湖上小極呈晦若

黃塵二千里抱病入湖天  
煙水碧無恙露荷香勝前  
朝臨牖痛帖夜繹轉筋篇  
特許閒漚鷺來依臥榻眠

上張宮保師二首

重來金馬承明地又是青宮保相家  
更定日程興太學主持月旦上文華  
公奉教更定學堂章程又充文華殿閣特科卷  
別開光祿樽中酒時爲公特設一席  
教賞宜春苑裏花公閱卷復命  
賜遊頤和園天眷廷推俱

第一卽看居第起隄沙

昔遊遼山特見憐墟揚今亦致貂蟬  
深談願假臣三日負戴

詔知我二天以執金吾期仲路將長生藥鑄顏淵公門桃李  
盈天下獨領春風卅五年

芻卿侍御以詩見迎次答三首

憶昨同趨

行在所故人門巷柳條東

君在秦屢過東柳巷寓廬

愁看關

隴人相食喜見虞淵日再中皂帽牀敷聊避世白衣帷幙敢

言功中華不少宜生輩稽首蕃庭賦射熊

樸學英詞世所師卽談時務亦從宜朝賢都服桓新論國故

能言漢舊儀亦有佳人似佳茗未爲良相且良醫

君精岐黃入闕以一

妾自如今重見承平日說著西巡尙淚垂

感激

君恩賜聖湖重來金闕叩椒圖東西離合雙驄馬

先後居停一草廬

君與余迭寓北半截巷朱氏宅

香袖攜煙逢賈至梅花尅

日望林逋杭州自古煎茶地桂子香中得見無

今年科場期君典術試也

自和高廟第一樓題壁韻

捲幔西山翠欲流，重臨潭水試綸鈎。木蘭院裏尋鴻爪，古柳

陰中賣雁頭。

又名雞頭，又名雁頭。

東壁至今添雅唱。

前詩和者甚眾。

西湖依樣

起高樓。

西湖亦有第一樓。

杭州此去舒雄眺，不減春明陌上遊。

題菊人少司成江樓送別圖

圖作於丁酉

庚戌前頭寫此圖，南遊豪宕覽雄都。承平蓮幕千鍾酒，舊物  
青天一顆珠。鐵鎖江關飛雪練，玉堂人物浸冰壺。如今再把  
新亭盞，江表諸賢有淚無。

張少保師招同王弼父于晦若兩京卿沈子封編修周  
少樸侍御過慈仁寺廢址看松徵賦長句

曲江風度天下知，寢處常有山澤儀。

兩宮動色待司馬，

朝回乃憩古松下。肯居坊局清若冰，步履屢過慈仁僧。三十



餘年秉旄鉞歸朝不見長明燈元二災年際庚子紅巾白日  
行都市激怒長鯨海上來含元故殿荒荆杞九門鎖鑰十國  
爭茲寺久駐柏靈兵和議旣成收兩京島人撤廟佛淚零由  
來殿材極瑰異千歲香楠充桷楹騎梁縱斧者誰子失勢一  
落夷酋驚以少炸藥置佛座火發屋瓦皆飛鳴天傾地圻百  
柱倒萬牛挽致還西行從此金身等莖草百圍喬木風煙平  
寺門雙松青銅柯國初諸老繁詩歌諸佛尙有涅槃日虬龍  
其奈劫火何吾師遠聞心輒動重爲 朝廷惜樑棟撐拄乾  
坤五大夫朝衣西市同悲痛翰林好事沈子封走告昨見慈  
仁松喜於還丹起白骨頃刻青天飛蟄龍平明肩輿入破寺  
瓦礫縱橫撫寒翠清露滴身麾蓋涼朝暎射人鱗鬣異折簡  
招客酒再行苔地鋪席心顏清兩蛟俠侍瘦於鐵凌霄花發

垂紅纓浪傳南海子瞻死意外復見劉更生嗚呼雙松昨死  
今復生故人碧血徒芳馨愁聽樹頭黃鳥聲九原不作難爲  
情

謂許盛王  
袁諸君子

卽今赤松朝玉京吾欲從師歸穀城

翁韜甫同年屬題傳笏圖

有序

韜甫爲故皖撫翁文勤公長孫虞山相國從孫也文  
勤得魏文貞公笏作詩紀事貽之韜甫命工作傳笏  
圖相國寫文勤詩於卷中而自次其韻余亦繼和焉

看山拄笏瑯琊氏門第鴻軒復鳳起於今族望冠江南常熟  
翁勝溧陽史相門出將中丞興秉鉞上流辭金屨傳家收得  
鄭公笏不與昭陵碑共毀狀元宰相屢安排貽厥名書  
御  
屏紙四十年來補作圖偃僂循牆命凡幾君家一再丁  
國  
誰欲話滄桑雜悲喜百年與國同休戚  
九重未忘雪讎恥

禁中頗牧君最賢意輕陳湯傅介子玉堂金殿要論思對以  
十思其可矣昔也長孫美直諫今逢慈聖傾天耳四海

飢虛厯宵旰三司制置歸條理君家此笏卽甘棠父教之忠

子能仕手版詎屑向人持頭冰甯憂不我以待時君方以笏畫

地卽良平以笏擊奸卽龍比金鼎鹽梅君故物待坐中書論

國是祇愁百雁海上來斷無一鵝懷中死直從貞觀厯開成

代入蓬萊照清泚

博泉前輩潤夫副都晦若京卿招同小石中丞華卿司

寇小集高廟觀荷卽席三四疊前韻

僧房齋供聚英流茗眼舒青桃鼻鉤花港晴漪清見底玉堂

春夢記從頭座次厯敘科分博翁咸豐壬子酒痕詩本隨雙

袖竹翠荷香共一樓稷契都含巢許意幅中藜杖得同游

捉麈談深析九流更搜佳語寫銀鈎暑天松翠排前面生日  
荷花在後頭

明日前荷  
花生日

散騎多閒休直閣侍中已貴尙登樓

濯纓無限滄浪意徙倚斜陽訂後游

五疊前韻索晦若潤夫和

有酒盈尊飲若流清言永日罷藏鈎金衣坐柳煩三請翠蓋  
擎花出一頭風過時時香到枕月來夜夜水明樓禪房倘借  
閒廬住更欲從君秉燭游

六疊前韻呈晦翁

安排漱石枕溪流琴任無絃釣直鈎對坐荷風吹酒面閒吟  
水調換歌頭僧和白鹿同歸院山湧青螺欲上樓祇合杭州  
尋白傅漫從槐里識朱游

七疊韻志感並懷易兵備

水合高粱日夜流。漁陽桑老罷梯鉤。平鋪蕉葉爲歌席。收合楊花作枕頭。書帖老來臨丙舍。酒人散後感辛樓。可知南宋填詞手。尙有堯章敵少游。

八疊韻簡何副都

爛熳春華逐水流。懶將曲直較絃鈎。鳳凰雖老猶紅尾。鷗鷺初生便白頭。客有立談登兩府。佛言彈指現層樓。人生榮落關何事。下澤終從馬少游。

九疊韻詠荷花並贈主僧

紅衣白羽劇風流。隱映前溪月半鉤。合與文鴛爲錦被。難陪玉燕上銀頭。采香羅袂迴歌舫。臨水朱欄認酒樓。見說支公隨謝傅。巾瓶不厭錦涇游。

石甫去年九月攜妓登第一樓留詩壁間十疊前韻

清溪斜共眼波流  
軟草香泥印玉鈎  
淡淡掃蛾呈素面  
依依繫馬脫梢頭  
春醪艷溢珠龍帳  
秋思多歸白燕樓  
不分雜摩方丈室  
鴟夷借作五湖游

十一疊韻嘲石甫

左攜紅粉右緇流  
笑墮蓮臺鳥一鈎  
新水拖藍學裙帶  
遠山分綠上眉頭  
美能破老還青髻  
壻不封侯戀翠樓  
借得僧廬作重九  
摩登長伴阿難游

十二疊韻寄石甫石江時粵氛甚惡

離江煙水抱城流  
戰罷傳餐解帶鈎  
檄草屢勤才子筆  
宮花休斬美人頭  
羅箋寄內還馳驛  
繡斧籌邊獨倚樓  
賈傳長沙猶恨遠  
夫君何意更南游

竹筵雨和第一樓韻十三四疊韻酬之

三峽詞源水倒流登高解詠玉鈎鉤樂天酒力勝婪尾承吉  
詩心託歛頭遠志欲尋靈鷲寺原詩有東漸從游之志近光長對鳳皇  
樓杜郎莫問空門事夢月金梁是俊游

口下論交總勝流臣冠可有玉釵鉤心如椰子書填腹舌粲  
蓮花石點頭把酒惟思澆趙土填詞猶愛過秦樓笑余屏跡  
歌姬院亦有舒郎撰杖游

寓齋聽雨十五六疊韻

玉溜垂簷不斷流鑪煙清潤繞衣鈎是誰羅帳停紅燭亦有  
僧廬感白頭著我江南黃篾舫還余春夜杏花樓心情白陸  
渾相似懶復朱門謁貴游

軟簾不捲暗塵流碧玉螭蟬漢鈎半卷我詩新脫手三杯  
女酒困扶頭涼颺乍入停雲館小集全收讀畫樓爲約西涯

今舊雨湖天新霽續前游

明日復有西涯之集

石甫自譽裴姬留詩寺壁人多笑之十七疊韻解嘲

釵光扇影照清流羅幕金泥盡上鉤楚客自零斑竹淚吳姬

猶炫牡丹頭白來騎省三秋髩

三秋一作多年

紅剩西涯一角樓畢

竟鹿樵生不俗犢車閒載玉京游

六月二十九日政務處同人公宴宮保師於第一樓是

日晴雨相間卽席疊前韻三首茲韻凡二十疊矣

歲華北海嘆如流酒滿金尊魚墮鉤臺閣論文公大手廟堂

諮事孰長頭英雄並入聞雷座書畫重開聽雨樓老矣狄公

門下士九重天上復從游

不落人間第二流玉皆龍輔劍純鈎有人射虎北平右

鐵侍

兵保

且自釣鼈東海頭

師方與外

賞雨何心憶茅屋乘風終

人議商約



是戀瓊樓鈎陳昨日縈沙鳥誰屬

金輿陌上游

昨聖駕還宮輦路

水深盈尺

翠盤傾側雨珠流畫要衡山細筆鈎

師擬畫賞雨圖

最熟荷聲溫尉

耳誰遮梅子賀郎頭

賀方回頭禿或笑曰此真賀梅子也

依依斜日紅沈閣黯

黯西山綠到樓得似習池風景否從公重戴接羅游

### 同晦若登第一樓二十一疊韻奉呈

迴繞朱欄碧玉流更持酒琰作詩鈎但登臺省皆羊鼻欲盡  
西山欠虎頭雨裏低斜獨孤帽江南眇小十三樓元龍百尺  
君無讓好在時賢頂上游

### 少保師見示慈仁寺雙松歌敬次元韻

日烏西飛等校織慈仁僧飯久罷食前年寺燬松尙存摩拊  
雙龍淚沾臆有如晉獻馘虞歸重開內府見垂棘世家喬木

國之棟莫與雅詩同亡熄幾經霜鬢益蒼翠但惜樓臺失金

碧清陰曾覆元明人七百年來成古跡雖云才大得天厚栽

培豈不煩人力今規廢址祠忠魂

近擬就寺墓建昭忠祠

庇之廣厦計

良得靈光不失魯殿尊阮墅盡掩秦灰黑御審大士入柏靈

寺中審髮觀音爲德人掠去

蒼官夜作老蛟泣誠臣板蕩不自保惟汝不

凋歲寒色詠松更挹松上露來與尙書添硯墨

少保師欲畫雙松圖而難其人詰旦市估以方望溪先

生看松圖求售余題作借松圖並系以詩仍用前韻

鵝絹徒勞女手織皴染無人付蠹食韋偃不作畢宏逝虬龍

鬱鬱蟠胸臆打門忽送雙松圖針蕊森疏細如棘畫好始稱

去聲望溪記桐城一鐙今未熄明窗開卷清風來六月虛堂動

寒碧我生好事亦省事願借舊圖留爪跡急收蒼雪入錦囊

走送師門煩一力但使虬髯眞面存不著看松人亦得幸逃  
三月劫火紅盡掃太陰雷雨黑定知城南老樹精不與新亭  
共垂泣尙書餘事親風雅大爲鳳城增氣色欲將筆陣鬥良  
常跋圖更用奚珪墨

望溪序王良常書

慈仁寺雙松猶存往觀有作

張之洞

千步廊前車如織歸來中滿不能食無聊欲共草木語  
城南雙松上胸臆琳宮百堵無片瓦遠見精神出草棘  
偉哉衣冠綺與黃曾覩秦火三月熄龍鱗如掌醜愈妍  
返照在頂晃黝碧崇效僧圖遭掠賣長椿九蓮難蹤跡  
此寺咨像亦俄空佛救不得憑誰力訪舊多爲游岱魂  
求如汝壽那可得同遊俱是感慨人藉草相看到曛黑  
往年妖亂等一夢錦庫成灰銅仙泣遺此區區老禿樹

豈足增壯帝京色雖不中用亦復佳

左傳杜注無能爲役猶言不中用

留與後來阮亭望溪弄筆墨

附和作

左紹佐

生不願封萬戶侯但願抽去手版從公遊  
公遊慈仁我不知樊山示我雙松詩感歎前年庚子時  
莫宏碧血哀袁絲自從十國聯軍至乘輿播越方西馳  
關中轉餉幸可給賴有東南半壁相撐支銅駝已埋荆棘中  
新亭客淚零秋風毗盧拔宅入雲去寺門鬼火紛青紅  
雙松有神能度劫應是黃天憐正直風前苦聽哀蟬嘶  
雨後常疑瘦蛟泣卽今天路當清夷偃蹇曲蓋仍支離  
車馬不來獸環斷斜陽燕麥人影齊世間好事誰有此  
留侯苦億赤松子青牛道士去不返虛傳海外東坡死嘉興

翰林瀟灑人久居朝市知隱淪作書走報李元禮一朝  
聲價登龍門松兮閱世金元來何爲不逢遣山與鐵崖  
但見漁洋一詩寄天王騷壇韻事久不屬我公今代人  
中仙貞心勁節天下傳此來造化有深意看爾慘澹蒼  
穹蟠掃除苔蘚見行列藉草高歌望明月摩挲長狄十  
丈銅掀翻如意一枝鐵大廈于今要棟梁爾豈無意居  
明堂不然我有枯桐三尺今在囊閉戶爲爾絃風涼  
少保師游積水潭垂示二小詩謹次韻

水田新雨綠秧齊不辨蓮東與柳西佳樹已隨僧斧盡好詩  
休上寺樓題

湖上蓮娃散似煙僧貧退院復堪憐向來一頃荷花地鈎盾  
新犁作弄田

政務處諸公招同樊樊山廉訪遊積水潭示樊山

張之洞

東省藝龍坐上齊招涼同到後門西舊人惟有樊山老  
愁絕僧牆續舊題

對岸喬林付爨煙

水西□□寺老樹數百林盡爲寺僧所伐

荷花愈少愈堪

憐雖然不是滄桑事但惜西涯變稻田

七月初二日笏卿給諫招集天甯寺卽席賦詩疊韻三

首

石徑融泥堙復坳寺門橘刺冒藤梢出城遠見松巖塔食客

新移竹外庖五鳳入林丹地迴

同館者五人

一蟬吟樹綠陰交退

之種疊詩憐而骨瘦余慙似孟郊

寂靜不減孟城坳坐見陽烏轉塔梢清愛雞蘇蒙佛號狂攜

魚蒜入僧庖夢中彩筆歸先輩海上青琴屬外交

寺寓一夷婦能琴

早晚片雲含雨至擬謠甘澤答袁郊

歸趁斜陽古堞坳西山晴翠落鞭梢不勝酒力思逃席未了  
詩逋孰代庖朝有闕遺須納誨士無肝膽莫論交怪來柳  
市稀游俠爲有桓驄出近郊

七月七日平明陪宮保師游南泊奉教限佳肴韻二首  
並索同游弢甫京卿菊人司業子封編修模齋府丞

和

曙色微分十二街城南來扣兩扉柴平明藉草吞山淥訂日  
看花記水脾

客座須預定

車馬不驚溫鳥夢魚鰕何異太常齋鏡

心一半紅霞掩一半青房插箭鞞

雁齒裝簷柳影交陳陳全屏大官肴紅鵝佳帖從人乞白鶴

殘棋聽客敲取果戒將青子摘買花例用綠荷包眼前卽是  
銀河水喜見牽牛引露梢

少保師兩至南泊觀荷再用江咸韻紀游二首

西面青山可一窗煙波縣麗似吳江花多滿曬城頭錦水淺

長閒岸上艘勝地來騎朝馬再

師新賜朝馬

佳期揀得女牛雙端

明水調關 君國莫認尋常鐵笛腔

越鱸名酒乍開函坐客風流軼道咸桃實新從 王母賜蓮

花舊入放翁銜

放翁夢人稱蓮花博士

煎茶竹裏風生腋移榻松陰露

滴衫我比學童課詩律剪裁紅翠待塗菱

疊前韻呈少保師並索諸公和

佳日堯夫偶出街溪南濕葦已勝柴花心似畝盟鷗血草際  
時放鹿牌爲老將雛啼午寂筍肥過母饜農齋習池故是



清游地衛士無勞縛韉鞞

君子花中說淡交  
飮盤隨分列山肴  
清言不覺連環解  
缺口何煩如意敲  
沈約郊居雌霓現  
申屠樹屋綠雲包  
漁梁歸去鐘鳴晚  
萬柳毵毵月挂梢

盍簪來啟竹間窗  
游記吾能擬北江  
蠟屐徐行勝官馬  
蟬紗交瑱似吳艘  
門茶合隊湯非一  
射覆分曹中必雙  
盧相蒸壺足風味  
未須大鑿割羊腔

盈盈明鏡啟塵函  
歌曲無人擘阮咸  
出水葉高花半掩  
唼萍魚小鷺雙銜  
懶書斗檢蠶頭字  
休著冰廳燕尾衫  
借喻今人開襖袍  
到京華轉蕭灑  
不如意事儘鉏耜

伯良吏部用尖父韻賦秋海棠戲和

秋盆低襯草纖纖  
鴛瓦微霜亦未嚴  
比似芙蓉皆倩女  
形容

葵蓼等無鹽蠮螋網底花承露蟋蟀聲中月挂簷珍重夜深  
妃子睡築臺須避曉風尖

顛裊猩芹上髻鴉迎來應御七香車  
麝脂水染三秋色  
娥媚天生一種花  
金橘同時應有恨  
早梅聘汝亦宜家  
錦鞋溫尉知憐惜  
欲寫紅情半與叉

仲午譯布用越綬帥舊韻見贈次答

彩筆江郎發夢神  
早將樂府付伶倫  
本非漢殿無雙士  
翻作詩林有道人  
幕府表文誇白鹿  
書窗煙墨費青麟  
麟墨有青麟髓  
今舉世談新法  
獨有君於舊學親

疊韻詠秋海棠索笏卿伯良蘇生仲午和

培溉頻煩女手纖  
秋閨簾箔最清嚴  
安榴比色羞名醋  
嫌雪能紅莫擬鹽  
惜別試鶯常被酒  
忍寒飛燕自巡檐  
扇頭欲寫

乘鸞子秋露垂垂在筆尖

靜院無人噪晚鴉叢叢疑是女同車東風恩怨誰曾管西府  
春秋各自花色要徐熙商畫稿香如子固號詩家粉眞擬把  
黃金鑄好伴靈蘭作髻都門婦女髻又  
多作蘭花式

三疊韻詠秋海棠索諸君和

風枝露葉極輕纖生長蓬門欠整嚴侍婢紅娘薄脂粉小家  
碧玉困齎鹽靈蛛暗地縈釵股瘦蝶依人上帽簷曾向翠微  
山裏見海棠溝在碧峯尖

老柳陰中數點鴉籬根蟲語轉纒車退紅染就相思草碎錦  
呈來廣本花西蜀名姝憐晚嫁南唐宮體似貧家世傳李後  
主詩似貧  
夫士大瓦盆買向長春寺猶剩餘錢壓畫叉

四疊韻詠秋海棠

玉露霏霏百草纖拈花嚼葉馥香嚴淡雖似菊還多淚酸亦  
如梅未下鹽葉酸可食珊佩欲來蟾隱樹井華頻灌雀窺簷佳人  
脈脈憐幽獨爲汝徘徊蹙翠尖

書牆記日墨欹鴉輦送何勞細犢車緣屬自憐卑濕地紅心  
那是寂寥花羨人春睡歸唐苑累汝嫌名避杜家好伴黃葵  
滿溪錦四娘門巷路三义

次韻奉和少保師再游南河泊七言六韻

舉座無人吮雪茄

外國煙名

誰曾杯酒悸弓蛇射魚豈必關繁弱

雪藕何須淬莫耶喂馬山翁爭莖豆見寶溪女旋搗麻

陸詩見客

搗麻旋煮茶

臨流取飲泉鳴笕借硯題名墨聚窪坐久材官俱放

仗秋高社鼓競傳芭郊西萬萬金絲柳排作陶桓早晚衙

攜酒再遊南河泊邀雲門同賦

香山九老詩皆七言六韻此擬其體

張之洞

零落紅裳閒綠茄茲遊安足復成蛇  
喧喧車馬嫌韋曲  
小小蹄涔比若耶  
草輒時爭野人席  
衣輕仍著秀才麻  
湖心取蕩初成鮪  
石上開尊不借窪  
我效童騃同寇準  
君搜奇字勝侯芭  
孔鸞自與鳬鷗別  
正看槐街散賀衙  
再次少保師九佳韻一首

鏡水雖佳忍乞骸  
每臨勝地百憂埋  
荷筒過酒甯須勸  
桐葉題詩莫便揩  
此樂豈真迂叟獨  
太平誰恨尙書乖  
張乖崖詩獨恨太平無一事江南閒煞老  
尚書幕客改恨爲幸  
蘭臺詞賦今蕭瑟  
卅載門牆一景差

和雲門南河泊之作卽同九佳韻

張之洞

江海無能一病骸  
獨欣藪澤免塵埋  
早涼樹鵲聲先喜  
殘睡漁翁眼乍揩  
謀野曾無裨謔獲  
遊車姑學邵雍乖

鑑湖儼荷 君恩賜致仕何妨被硬差

疊韻書感呈少保師

老病無端累百骸

入都後屢病

白頭祇合爲書埋退朝魚笏因琴

典賜食金刀忌餅措長短經於時尙合酸鹹嗜與俗人乖好

官任作千年調辭祿猶多宮觀差

今之學堂猶宋之宮觀

三疊韻上少保師

擬將服食養筋骸有酒惟當松下埋

世傳松苓酒服之多壽

辟穀身從

江外老看花眼向霧中措苦心計事容十

平聲

反餘暇論書戒

五乖涼夜打門索新句不辭駮馬月中差

同游諸公都無所作四疊韻奉嘲

豈畏山膏罵腐骸

橫議者動罵朝官腐敗

中書未禿已先埋佳聯實費

兼金鑄饒眼虛將兩鏡措鳴恐人驚知鳥大耳當我割笑龍

幸獨蒙白石先鋒號百拜南湖聽遣差

五疊韻解嘲

心專內視外形骸比似佳肴飯窖埋書要白鵝纔許換劍非  
赤土莫輕揩拈花脈脈終成佛擊壤平平漫打乖 王路馳  
驅知況瘁小奚應御錦囊差

再疊少保師六麻韻柬同游諸公

花也羞開滿地茄城西細路轉脩蛇蓮心最苦誰知者珊佩  
遲來豈是耶是日師與余質明而往座客加已始集挂籍北扉慵視草子封木齋菊人  
皆同番休南屋罷宣麻張甫領軍機二班故事章京在南屋風梳禾黍田成稜  
雨足菰蒲水注窪吸露香原清勝茗爐雪味莫淡於芭煙名  
菰接離倒戴歸鞭緩九陌紅塵始散衙

三疊前韻呈少保師

後園種菜刈秋茄雄劍時騰袖底蛇若論詩歌誰白也偶談

忠義想朱耶松猶可撫兼憐菊蓬不須扶爲有麻師居先哲祠多植花

樹書畫舊藏收北海林亭幽事訪南窪魚尊石首輕鱸鰕果

愛離支黜蔗芭皆席間所論師督元帥文場納降將幾人泥

首拜彭衙

再題積水潭寺壁

朱霞天半展驂鸞裙襪紛來笑蟻攢樹是菩提逃賊鋸花名

君子豈禪鑽聯吟北郭眞吾友爭座東堂恐眾姍姍攜弟子過此座爲

貴游所占弄月吟風一千首臥樓人盡識楊蟠

招涼數數具肴羞久坐誰能誚楚猴異味西京來蒟醬近酒肆多

雜西私心南物秘蠔油席上晦若雨竹林地占三分水荷藕

天生丈八溝欲話西崑酬唱事一時文采盡楊劉



重游陶然亭感舊

重騎羸馬上坡陀一笠江亭燕覓窠鹿苑花枝來好女

閨人來游

者玉堂夢事感春婆青蛾塚塤行堪汲

亭與香塚鄰

丹鳳城高昨

始簑四十年來琴酒地忍攜金齒印庭莎

清妙天機說解弢姚家甜井愛新淘人前磬折憐僧瞽湖上

杯流笑叟聲感柳難收司馬淚插萸欠喫美人糕

余時將出都

朝

靴擬把芒鞋易淺水蝦娘尚可撈

與繡綺兄妹夜話有贈

絳幔因依十五年時宜不合亦師傳俗人指說瑕疵處楠癭  
篁癥正自妍

位置端明頗自高吳山頂上賦觀潮不攜朗韞陪游屐夜夜  
秋衾夢六橋

陪少保師晚登寄園西樓看西山用雙聲體

臨流嶺麓裊連蘿公衮剛歸館閣歌香蠟西銜霞榭小淀舸  
東盪電鐙多山深禪樹捎霜隼樓斂林嵐攬綠蘿羣峭秋清  
勤檢校擔簦得地妒頭陀

又賦得樓上晚霞雙聲體輓轡格

陰煙壓雁影遙移新現霞綃小岫西仙杏天斜香旋洗潭桃  
點逗幃都低衣纓一院圓於月筍束三山瘦似詩畫幌黃昏  
紅鶴喚層絳彩翠詫參差

曉起坐綠勝齋呈少保師

回文

煙帶露華清氣曉碧垂垂柳畫窗綾傳公是學眞星日讀子  
由詩冷雪冰天信有情魚水在地閒無草蕙風蒸前從記室  
宣高論罷舞雩游臥曲肱

肱曲臥游雲舞罷論高宣室記從前  
蒸風蕙草無閒地在水  
魚情有信天外雪冷詩由子讀日  
星眞學是公傳綾窗畫柳  
垂垂碧曉氣清華露帶煙

登吉士樓呈弢夫

浙館爲趙天羽寄園故址屋後有樓五楹抱冰師題曰吉士樓

臺池好處在深幽水抱斜街一玉鈎  
開畫古藤舒靜院振衣  
天羽借高樓苔絨舊井茶煙綠燕掠  
寒塘柳色秋來看晚山  
西疊翠才人楚越入歌謳

謳歌入越楚人才

余不日赴浙

翠疊西山晚看來秋色柳塘寒掠

燕綠煙茶井舊絨苔樓高借羽天衣  
振院靜舒藤古畫開鈎  
玉一街斜抱水幽深在處好池臺

王韜甫沈同叔新葺寄園西樓成同人集於樓上看西

山限雙聲格七律

張之洞

側儒推同坦蕩韜棠廳苔榻覲屠鑿圖探台宥徒他土

梯踏潭潭柘臺戒臺特聽濤通脫拖藤突係觥貪偷談

鐵統吞條頰唐歎託蛭蟾體題帖投筍忝替桃

又七絕一首

晚望巖阿霧翺岵嶷未礙嫵蛾彎偶嘖歟乃需複忘

無味葦岸兀鷗謂我頑

少保師垂示近詩十二首因徧和之

奉和歌曲

天寶而還日月新梨園猶是舊精神長安市上多祥瑞紅燭

歌樓盡醉人

前詩用典與師過琉璃廠詩複別和一首

歌舞樓臺一色新東壚取醉各忘貧滿街都督銀鈿賤誰爲

將軍惜告身

奉和過琉璃廠

秦政焚如董卓遷細芸掃地古今憐彩雲不散琉璃在一劫  
能延五百年

奉和李文正故宅

不上君侯一尺階相公終是惜人才  
公與祥不相識會散館  
二等當改部曹公在政  
府語同事曰此平津車庫重經過三館門生幾箇來

奉和國子監謁王文敏祠遂觀石鼓

高文大節並堂堂配食昌黎日月光  
生死不忘銜石意中興  
功業待宣王

奉和觀諸國公使覲見

歐亞行人爵上公免冠執玉半華風  
兩宮含笑周旋了更

遣夫人到後宮

奉和新舊

大都理學讎蘇軾亦有門徒叛呂防誰秉國成須把穩十六國春秋陛下將牢太過耳解者曰將牢猶言把穩也從來鈎黨繫興亡

奉和早朝恭紀

還京玉輅引朝儀依舊開元全盛時頭白鳳皇池上見夔龍重續早朝詩

奉和留滯都下日久時有唱酬

令公居處午橋莊鴈詠重開北學堂不盡元都葵麥感再來惟見一劉郎

奉和臥佛寺四松

臥佛慈仁草樹枯匹縑合寫七松圖

慈仁舊稱雙松今歲寒有三株併此爲七

老物能撻舉感泣人間五大夫

奉和中興一首

唐室中興頌萬砭一心一德望  
堂廉情知麥豆難爲飯論  
定燕秦味此鹽早遣屏風書政要更煩階石警銅籤小臣舊  
草興元詔 玉座前頭淚雨霑

奉和入 對恭紀

重觀 天人玉冕光公來自楚我之杭給扶屢上端明殿  
乞外教升有美堂對御語言先體要救時學術屏妖狂宣仁  
第一庸司馬蘇軾因霑賜茗香  
祥人 對言及疆吏 慈  
張之洞 聖日雨江甚好旣而日終以  
爲最

奉和游陶然亭

塘水眞同碧海枯葦田應亦感麻姑衲衣雨濕僧無眼翠野

步月集卷十九  
風來稻有鬚爭弔香墳憎惡少來聽牛竈憶金吾甲午都人  
避暑渾無謂西曬闌千萬手扶

原作

張之洞

歌曲

念奴歌曲賀琵琶天寶遺民認不差父老若狂知有意  
自欣凝碧屬唐家

過琉璃廠

畢董殘裝有吉金陳思書肆亦森森曾聞醉漢稱祥瑞  
何況千秋翰墨林

李文正故宅

獨樂園中花藥荒思賢重上讀書堂誰編元祐初年事

且喜諸郎尙有康

文正兩子焜  
焜煜儼皆賢



國子監拜熙文貞王文敏兩公祠遂觀石鼓

戟門階下綠苔生鳳翥鸞翔老眼明人紀未淪文未喪  
巋然十鼓兩司成

觀諸國公使覲見

先延北使後稱觴憔悴當年宋壽皇事見咸臨起居注說與朝

賢休氣餒國家今日勝錢塘兩年來各國公使覲見甚

典禮也壽日皆至外務部申賀兩宮萬

新舊

璇宮憂國動霑巾門戶紛呶舊與新水火都忘薪膳事

調停頭白范純仁

早朝恭紀

宮禁調和四海安唐賢李泌宋賢韓

龍樓問寢煙

花好頓把悲懷變喜歡

留滯都下日久時有唱酬

李越

謝麟伯

王霞舉

袁漸西

宿草萋區區風雅亦陵

夷薛能自忖無功業不恥粗官好說詩

臥佛寺松

沈沈行殿四株松仰視摩霄翠蓋重臺圯池平都改變

鶴歸惟識舊髯龍

中興一首答樊山

流轉江湖鬢已皤重來閣下撫銅駝故人第宅招魂祭  
勝地林亭掩淚過前席頗憐非少壯小忠猶得效蹉跎  
神靈今有中興主準擬浯溪石再磨

入

對恭紀

罪己親聞吐

玉音孤臣惟有涕霑襟

慈聖面諭之言挹

損誠懇過於禹湯問者惶悚無地

久因郊壘慙旄節屢被

恩波入

禁林

問答自書千載遇高寒天鑒一生心

溫諭渥賞

不能盡述累括胡銓蘇軾事以紀殊恩

興元

尊號麾三表豈待重

陳在莒箴

六月

日羣臣請上徽號峻拒不許

遊陶然亭

當年葦海萬弓遙旱久青青未沒腰淺水蛙生波少態

蕪田牛病莠方驕稍收積霧延西嶺猶有殘僧勝黑窯

曾是干場觴詠地酒邊腹痛頓思橋

少保師得前作再示小詩七篇敬和

奉和拜寶竹坡墓二首

翰林四諫並錚錚諷議尤高玉牒名千古信陵憂國意飲醕

近女盡平生

身後猶分鮑叔金尙書風義感同岑

竹翁罷官賴師分潤倭存活歿後賜恤尤至

松繫馬墳三尺不負延陵許劍心

奉和高梁橋

水入高梁往復回沙隄遙接火城開河橋三百年間柳眼見  
唐家鄭五來

再和一首

七國縱橫策治安漢文欲老洛陽賢賈生不合梁園死方面  
如今半少年

奉和城坊

九門龍尾御溝斜臥榻旁邊詎有他爲問滿城桃李樹春

風一半屬誰家

五代詞桃李不須開爛熳已失了春風一半

奉和八月初一日 德音明年萬壽不許鋪張臣工  
惟在盡職勿庸報捐廉俸欽悚恭紀

月吉欣銜紫鳳書在山卻玉水藏珠始知家父求金事  
文母臨朝定自無

十國連衡一國單 天家母子話艱難黃金買得還須買只  
要臣心一點丹

原作

張之洞

拜竇竹坡墓二首

翰苑猶傳四諫風 至尊能納相能容楓林留得愁吟  
老長樂疎星獨聽鐘

百疏危言日月光差傳子政作金方市樓一瓊良鄉酒  
那得魚頭共此觴君貧甚官侍郎時嘗侵晨訪之惟新  
熟良鄉酒一罍與余對飲更無酢菜

城齋一標而已  
用魯宗道事

拜壽伯符翰林墓

賦斷懷沙不可聽  
宗賢忠憤薄蒼冥  
荆高燕市耽沈醉  
莫使重泉歎獨醒

高粱橋

神仙珂馬滿長堤  
水過高粱更向西  
月鵲風蟬都解詠  
不辭日日聽朝雞

城坊

懲哉殷憂 聖主詩桃辛蓼苦國人知  
迷離誰補城坊  
考但寫門前一絢絲

八月初一日 德音明年萬壽不許鋪張臣工惟在  
盡職毋庸報捐廉俸欽悚恭紀

涓埃不及竭心肝

懿訓光明戒百官聞道周公稱

萬壽但將王業述艱難

紺髮無霜億萬春九如報上本詩人

深宮卻貢非

無意十論還期獻美芹

七月初一日請上 徽號不許

常思叢脞卽明良 聖德如天玉鏡光東嚮讓三南讓再

女中堯舜漢文皇

綵衣 天子奉

慈甯詔答羣臣史冊馨蜀相記曾求自貶

試將前失較街亭

今年少保師入覲

恩賜綢疊未辭闕已五見商務學

程特科閱卷迭相委屬爲數十年來所僅有昔朱文

潞公還開封推官趙君錫作小詩二十篇以紀恩寵

今所傳僅三首措語雖佳不無浮響則不傳者可知

矣增祥及門三十五年知已感恩非推官比又詩道

陵夷遠不及北宋今茲無述慮後靡傳會八月三日

爲師六十晉七揆辰敬撰紀 恩詩二十首以當崧

祝

國朝人物盛中興接跡曾胡數到今二十一人領旄節總督

撫十曲江第一簡 慈心注見前

絳節朝天入上都 郊宮避暑萬紅芙初來不敢皇城住仙

館先尋扇子湖

安摺黃藤伴綠簪平明當值內人收紫樞黃閣遲遲進趣召

宗臣上殿頭

持節多年出玉堂重來潞國轉精強 天心深鑒勞臣苦添



得修髯一尺霜

不罪三公罪老身

御牀愿愿話西巡怪來

天語能親切

黃髮今惟一个臣

三接

龍光晝漏遲端凝風度

聖人知欲知駕馭羣雄手

敕賜飛龍廐馬騎

令公福壽冠人曹

奎畫雲章下九霄文采風流今獨步

御書威鳳賜房喬

珉糜珠餽散香風寶扇天瓶翠間紅一一殿頭宣口敕拜

恩擎出大明宮

端居蘇軾念瓊樓內苑新來賜徧游水殿西廊繞花過宣

仁倚扇在前頭

臨水登山覺苦辛小車丞相漢廷尊清游特賜肩輿坐口詔

明朝莫謝、恩

文華信宿賜肴珍八貴中間厚一人漢殿西頭專席坐眾知

高密是功臣

特科卷 欽派八人在文華殿閱看每食公專席餘人共一席

平生洗耳厭箏琶顧曲宮庭强拜嘉絕似溫公逢曲宴勉簪

內賜一枝花

公不樂聽戲近崇賞歲三日

宰嚭貪驕范蠡恭本家南府極形容人間何限苞苴事都入

河清一笑中

人間公聽戲否公曰既與宴那得不聽昨演范蠡進西施事宰嚭橫索門包可爲絕倒

舊學新書教總持扶陽經術漢皇知學林風氣歸旋轉世世

升堂拜本師

恢拓虞庠始近畿學程更定奏

中闕

兩宮玉座傳觀

了硃字天題並是依

互市經今五十年馬人鮫客費周旋

深宮教訂新條例不

道桑羊卜式賢

中使傳宣日日來鳳團療渴藥扶衰人生得一鼈難戴何況  
天恩累百回

拜賜諸璫望若仙寸金尺幣總聞天中人歡喜旁人惱都爲

尙書不愛錢

凡入對中人皆有費所得必上聞師受恩賜多故賞亦獨厚同時入覲者以爲過奢

恩紀綢繆不一書延英造膝進嘉謨禁庭語秘無人記分付

燕公紺碧珠

兩度黃封賜壽卮今年生日畏人知角巾騎馬游蕭寺衣繡  
門生獨獻詩

江亭客散偕晦若符曾翰甫陪少保師坐後廊看山用

雙聲體

半碧蘋婆白醅醅焙癥滿餅伴冰杯怕斑潘髯憑描墨勉命

遺名每夢梅甫傍漢陂白悲別晦若在京祥將如浙故坡盤

盜浦邁旁陪師從子三浜邊蒲稗蒙評泊盼眇明波緬八裴

在座  
八人

少保師別示短詩八篇敬和

憫部曹

一聲短道做車臨案牘多勞俸少金至竟不聞郎受杖主

恩終比漢唐深

學術

依託公羊亂道真遺書恨不火成秦儒林黨禍無窮已博陸

萊公信可人

此日足可惜

攬轡宣南大道開緇帷每日仁顏回依稀三十年前事滿面

黃塵負笈來

余寓廬距師門約廿餘里出城必禱被憶率未會試假榻師宅如昨日事

### 食陶菜

黃墟杯酒感存亡何獨鳬香事可傷總理於今更外部不堪

重問廣和坊

當譯署初設時宜南廣和酒肆以雜菜豕肉醬切爲羹名曰總理

### 哀雪

藉茅縮酒掃堂階春祀亭林少長偕端木黃童俱宿草當時何苦薄身齋顧祠祀事端木子晦及黃再同主之甲申三月齋像拉余同拜余曰亭林吾師也身齋所學不能過我我何爲拜之

### 道路

紅塵紫陌競奔馳雜事南臺了不知火馬游神塞衢巷不如

此豈是京師

戲用宋人不如此何以爲京師語

### 長安

天語溫於挾纊時小臣居易感宸慈諸公有意除中飽豈識深宮念朔飢

張孝祥

趙家南渡數詞人竹屋梅溪未識真淺酌西江斟北斗一時豪氣蓋蘇辛

原作

張之洞

屢有旨整頓部務不令假手吏胥曹司均汲汲講求吏事而清苦殊甚亦鮮閒暇當爲長官所深念也勞劇無如盡省郎五更城外踏鞢霜六房綱目何年定且勸三杯厚朴湯

學術

理亂尋源學術乖父讎子劫有由來劉郎不歎多葵麥

只恨荆榛滿路栽

二十年來都下經學講公羊文章講龔定菴經濟講王安石皆余出都以後風氣也遂

有今日傷哉

此日足可惜

鶴蓋晨飛到夕曛借驢泥滑更辛勤神州多事光陰少

還望陶公惜寸分

近年風氣士大夫多散處城外有遠在城東北隅西南隅者凡入直到

署及朋友往還約略日須奔走三四十里

食陶菜

都官留鯽爲嘉賓作鱠傳方洗洛塵今日街南詢柳嫂

只緣曾識舊京人

陶鳧香宗伯以西湖五柳居烹魚之法授酒家各曰陶菜今寢失其法矣

柳五嫂乃汴京厨娘南渡後流轉至杭州

哀舊

北閭南顧祀儒宗大雅尙書繼相公舊者不悲新者笑

夢山集卷十九  
朱書祠額在蒿蓬

顧林亭祠祁文端建於慈仁寺內令子文格復於寺內增設間祠今均廢

道路

城頭鼓角已平和禁夜都無醉尉呵忽見棄灰妨道路  
始知秦法不爲苛

長安

曾見關門盡七賢雪泥風帽晚來寒 九天已問囊錢

少從此長安住不難

問慈聖語樞臣云諸臣多清苦正欲爲之加廉俸豈有令其報效

廉俸之理

張孝祥

對策唐皇用意差金杯勸酒顛宮花危欄煙柳傷心後

又得詞場一作家

敬和少保師咸韻三首



尙書事業巍商巖授我弢鈴在枕函特許掌箋緣手筆未能

傳鉢是頭銜

唐人詩頭上官銜如座主

清晨入寺花攔馬露夕看松月滿

衫夏五陪游及秋九別時淚眼可能緘

笑他趁韻馬都監

晦若屢舉此語爲笑

白戰星堂號令嚴潞國自忘宮

保貴

見周益公謝表

謝公不道使君凡稱詩座上泉源涌論事人前

石闕銜便合題名堂下石坡公大字要深剗

長揖中書令與監

借作平聲

恩門未許辦裝嚴游僧忍看行時牒

老女重披嫁日衫一客已如辭主燕三神或有引回帆東堂

更比西湖好杭郡新詩盡可芟

不朽堂夜集送樊山按察分得咸韻

張之洞

我惜嘉謨去殿巖人言遺愛在嶠函切餘長句頻煩和

愁裏深杯竟夜銜且倚湖山供判牘好留塵土檢朝衫

時危只在同心事豈在南鴻寄寸緘

用咸韻呈同坐諸君

文飲何須立史監虛堂霜月門清嚴滿階菊影成幽獨  
三尺松栽已不凡老作幸民愁論事新名聲叟自題銜  
諸公才韻如鋒發杞國應憂造物劊

再贈樊山仍用咸韻

雄峻廉車勝郡監定將蘇白洗朱嚴滿朝公論推文藻  
百日清游任履衫惜別出城常襖被乘風渡海看張帆  
題詩縱愛西湖好興也箋云子細莼

上樞密羅尚書

星宿文昌翼紫微早登禁密秉樞機作公五載頭仍黑留館  
三年服已緋日下共瞻孤鳳舉天西親扈六龍歸元城舊

是溫公客自入中書晉謁稀

上張大冢宰

屈指中興蓋代功，魁儒大半起湘中。  
豈期再造興元日，猶見先朝正始風。  
天以尙書爲北斗，人言管子出江東。  
津梁後學無窮事，姓氏連天有二公。  
公與少保師同定學堂章程

次韻酬樊山廉訪見贈二首

張百熙

詞壇拔幟將成功，大雅文章日再中。  
范揭同聲推漢吏，蘇黃有意變唐風。  
君喜疊韻高名斗柄終懸北，浩氣江流獨

向東。欲逐雲龍相上下，吾衰何敢望韓公。

徒薪曲突諱言功，解散歌成劫火中。  
君於庚子五月憂心拳禍曾有解散

歌之仙吏琴裝宜華嶽，中年詩格壯秦風。  
時名貴比牛

心炙都下有樊詩左葉之目別緒愁瞻馬首東，省識洛城高會處

豪情長此憶車公

疊前韻再贈樊山

軍府方高贊畫功，掌綸大筆又秦中。  
家傳辛趙麟圖閣，坐闕曹劉虎嘯風。  
興頌久聞關內外，弓衣行徧浙西東。

迴思草詔梁洋日，眞幸吾唐用陸公。  
庚子辛丑之間君所爲詩名掌

綸集當日新政諸諭旨多君所擬進一時傳誦比於興元詔書未旬反用權載之翰苑集序語敬與稱陸公亦見於此

前詩詞意未盡廢和一章

藝圃曾無一溉功，虛名子野魏三中。  
胸餘壯士幽并氣，心折名流鮑謝風。  
騶行才通九州外，昌黎文障百川東。  
濟時不用愁衰白，佳夢期占十八公。

五疊韻答見贈

吟詩多比將兵功  
索解難窮戴侍中  
椽筆淋漓曾畫日  
蘭臺述作繼扶風  
久瞻紫氣函關外  
舊夢鈞天朵殿東  
聞說西湖付才子  
玉音齊頌廟堂公

六疊韻答論學

心蘄無過敢論功  
教育新參外與中  
列籍於今采英日  
中國所繙科學諸書  
多分科從古是華風  
德行言語政事  
多用英日兩國之本  
理及政治文科諸科等目  
瀛寰近見人文盛  
漢學終推吾道東  
獨有小才慙重任  
厚期難副使君公

七疊韻答論學

分齋親課讀書功  
新舊調停一闕中  
仙術難貽雞犬藥  
苦心求合馬牛風  
七賢學派傳希臘  
四極文明始震東  
通驛兩家臣力瘁  
移山何敢笑愚公

八疊韻答自述

親贊元黃再造功 詔書哀痛草關中  
翁歸才略兼師武 丞叔文章有古風  
述職近依辰極北 應官遙憶日華東  
新詩美政如相告 當付潮頭赤鯁公

右長沙冢宰八詩皆和增祥者也祥原作佚於天津僅能追錄其一嘗託李亦元比部請公以原作付書人錄示而公重余手稿意不欲畀鈔胥癸卯冬月余行有日公鳴騶見過袖出一紙曰君詩在此展視龍蚪滿幅精緊適麗凡千餘字皆公燈下手鈔也余驚喜過望時則都門師友銜杯敘別日不暇給此稿又不知誰何竊去歸秦後摛求不獲益復懊恨夫公以吏部兼學務政務兩大臣甄敘人物育才贊化蓋身任天下之重者顧篤

耆燕篇於經緯萬端之餘手自繕斟老輩愛才若是何  
怪天下之士之歸心者若水之朝東驂之從靳耶天下  
欲得公手迹以爲榮者知復何限竊者誠不足怪獨恨  
增祥沐公殊遇錫之寶墨而旋以慢藏失之能不深自  
咎責因刻公詩附識於此異日或於吏部集中附見拙  
作未可知也光緒乙巳仲春樊增祥記

善化瞿魯青先生爲今樞密子玖尙書之大父嘗手繪  
乘槎自濟及其配湯太夫人分燈課子二圖尙書旣  
請 天題益徵眾詠敬賦四首

水到瀟湘徹底清天隨身世白鷗輕江鄉魚稻心常足宦海  
波濤夢不驚萊國孤舟同此意郎中三影盡平生自從祖硯  
傳孫後洗甲銀河致太平

寫韻樓中薰炷香篋書小鳳誦琅琅前惟繡戶星三點後有  
金蓮炬兩行鵠麻夫妻羞乞火烏衣兄弟始扶牀常儀心識  
燕山桂擷取孫枝奉 玉皇

玉皇香案紫煙浮翼翼丹心奉冕旒三殿留身呈畫本  
兩宮含笑寫銀鉤亦如稼穡圖堪寶合與甘棠笏並收說似  
當年香樹老奎章不獨賜南樓

杏黃綾袱繡盤螭乞得天書下值遲星鳳擎歸先告廟夔  
龍朝罷盡題詩筠蘭根蒂三湘遠忠孝文章四海知退  
從容紀恩澤令公榮耀冠當時

代定興公題乘槎自濟圖

圖具少壯老三像

欲將自濟濟斯人滌筆清湘自寫真一世度生情不斷無風  
波處現三身



重開圖畫看瀟湘  
仿佛銀槎手澤香  
後世三公開濟手  
於今橫海要津梁

又代題分燈課子圖

不是機聲燈影圖  
齊看綵孟把經鉏  
當年一點寒窗火  
換作宮蓮夜照書

玉立文孫兩府開  
宣仁宮禁嘆奇才  
老人一幅南樓畫  
乞得天題第二回

槐

風動雙槐軟玉枝  
青蟲蟠葉滿階墀  
曾供五月清涼夢  
何恤秋衫墜網絲

梨庭前梨一樹八月著花未幾葉紅

秋梨吐萼破春慳  
又得新霜半樹殷  
可有時賢速成意  
葉紅

花白兩旬間

桑

策策庭柯夜雨霜秋桑落後憶帷裳餘杭亦有新醅酒何獨  
蒲城是醉鄉

柏

參天不恨十年遲拱把爲龍已自奇冰雪如山不凋色況今  
未到歲寒時

聽竹

松清竹俗強區分次律尋聲未識眞太尉豈能知許事聽秋  
別是一流人

房琯云竹聲最清及  
聽松聲始知竹俗

贈別顧五

梁園詞客玉京游滕閣長風送使舟才與情兼人是玉筆先

年老氣橫秋錦爲半臂眞銷得酒勸雙鬟且醉休送我東行  
高著眼湖山第一古杭州

近與少保師多爲七言絕句賦呈二首

苦愛江東義試詩蒼山格調劍南師張王淺處饒深曲祇是  
今人未備知

太白龍標兩不磨入粗入細要才多六朝人物王相猶奈爾  
孤舟夜雪何

南宋義試詩有夾竹桃楊妃樣二題戲和二首

神仙君子一身并品第羣芳轉見輕  
客噉是虛名夾竹桃

開元天子甞蒙塵不獨纖柔爲太眞輕薄香壓七國卷蓮花  
響屨是何人楊妃鞵

原詩皆著題僕詩則寓意也再和二首

天道紅兒耦綠君一重花雨一重雲  
分明戲鴨圖中見並照  
春波影不分  
夾竹桃

纖纖新月媚三郎解脫雙蓮到地香  
當日壽王宮裏至可憐  
金縷過南堂  
楊妃韞

宋人又有上元及詠茶二絕並奇麗湯和二解

月采星華聚此宵紅蓮豔發五雲高  
人間子固傑詩伯願洲  
王珪駕六龍

龍鳳連翩貢玉京君謨陶鑄好門生  
時眉嶰眼通侯相世世  
疏封不夜城

前題再和

鐵鎖星橋紫霧蒸今宵百萬費繚綾  
汴州爭及杭州富替買

東京一夜燈

詩城酒國敘勦勞萬竈槍旗挾雨驕九曲山前尋門將軍中  
娘子服周韶

試茶

秋冷風醺漸可偎候湯評水助詩材工夫可但茶中久更玩  
成窰小泡杯

炒栗

此事休文恐未知東京風味仲秋宜斜街土鏗鏗如豆滿路  
糖香似舊時

不朽堂看松月

千百蒼龍攫夜珠空明瑤水積庭隅誰知露下看松密三燄  
清光一事無

斜陽

幾多俠少投歌館亦有仙郎別省薇

一作出粉闥

莫道斜陽無一

事催人夜飲送人歸

湖上二解

天上青禽去早海東舞象來遲人間今是何世秋冰重重馬蹄

瑤池管弦朝莫新得雙成子登莫笑白題胡舞反弓貼地猶能

感懷呈張夫晦若

顏唐那是回瀾手顚顚空餘許國身少壯未能無意氣艱危底處見經綸亦知國計需商管何可儒林廢孟荀木癭犀通聊自玩古來名宦半詩人

送子封早朝

坊缺引觀子封名在第五今第四矣

柳拂宮袍露未乾  
雞人催起五更寒  
聖俞難免閨人笑  
又上鮎魚一寸竿

秋夜待竹延不歸與繡漪庭際看月

一鶴青天久未還  
遠聞宮漏滴秋潺  
分明夜過承天寺  
月在空庭竹柏間

附和作

視蕊

橫琴待鶴幾時還  
石上秋泉玉溜潺  
一片秦臺舊時月  
爲儂移在繡簾間

中秋

今年今夜金杯酒  
明月明朝可奈何

十六夜月食

待過明朝無缺

陷更持杯酒勸姮娥

月食

欲寫山河小影難妖墓含吐碧雲端分明金鑄千秋鑑天寶  
君臣仔細看

復圓

重觀人間玉鏡光姮娥痛定忍相忘虧儂待得金甌滿立盡  
梧桐影裏霜

癸卯九日少保師招集塔射山房卽席有作

有西人夫婦避暑於

此頃始  
移去

遠人歸我山房塔節度重飛九日旣撲地雲嵐揩老眼倚天  
樓閣照秋晴紛綸御饌迎中使插戴寒花學後生徙倚經廊  
歸騎晚星河鼓角滿巖城

九日 慈聖賜少保師肴點十四合師以分餉座客並



紀以詩敬和

二七銀鬢下九關珍肴宣賜到師門酒如臣量官壺滿饒是天題故實存甘苦君臣同此味文章賓客遞承恩大夫並有登高賦屬餒無勞愧素殮

白日一首答少保師贈別

白日堂堂照鐵冠受恩深處別離難慙陪幕府忘晨夜老傍君門閱暑寒大白浮來三舍退小車乘出萬人懽十旬闕下句留意薄俗師生作樣看

九日登天甯寺樓

張之洞

過闕當行復暫留數將新綠到深秋貪看野色時停騎坐盡斜陽尙倚樓霜菊吐香侵歲晚西山滿眼隔前遊廊僧亦有蒼茫感何況當筵盡勝流

九日 慈聖賜起酥花糕蒸食花糕北羊內饌醃菜水  
角共十四合攜與同遊諸客共之以廣 聖恩

野服攜童出禁闔 宮壺雨露下丹宸客中久欲忘佳  
節 天上何由憶具臣分惠幸多倉卒客衰年難乞自  
由身北風方勁驚蓬起試問如何報露塵

白日一首示樊山

又到山寒木瘦時黃雞白日去如馳詩才已爲塵勞盡  
霜鬢空教海內知送遠添愁身是客解憂無效酒盈卮  
夢中爭苦煩驚醒樾馬依牆斂斷其

出德勝門作

高梁挾雨白波渾隄草參差馬嘴痕長是宮車來往地蕭蕭  
楊柳國西門

詠庭際小松

疊石三層作小山種松七本繞亭欄  
枝柯未放龍鱗老膠液眞同虎魄看  
依託小園憐地瘦平章晚節待天寒  
髯翁自有三公貴不樂秦時所贈官

少保師期待過厚賦詩自述

少及公門齒俊髦老年甯復慕夔皋  
受恩似水心知暖處事如棋手不高  
材有短長非自畫宦無巧拙總形勞  
如今時世庸新進幾箇陳人擁節旄  
一出蓬山請左符驟登柏府掌刑書  
擢官不次知非分問客何能忍自誣  
舉世交譏名士解一生羞趁乞兒車  
卅年別換人間世騰踏青雲是畏途

歸自湖上小極偶書

貪看西山向暮回，焚香擁扇閉高齋。  
多眠常覺眉棱重，少食休言口輔佳。  
低著帽簷三寸屋，寬留胸氣一條街。  
見靈樞開門盡日無車馬，臥聽疏桐雨滴階。

秋日同內兄攜眷過龍樹寺食蟹遂至陶然亭止宿

破寺花枝頃刻開，一如漳館相公來。  
狂攜玉雪佳兒女，左手持螯右舉杯。

對面江亭几薦清，瞽僧夫婦一逢迎。  
秋風未卽疏團扇，不御衾羅夢亦成。

步廊旋繞屋如舟，垂柳輕纖女手柔。  
閒坐闌干待新月，遠山分翠上眉頭。

曉起看山睡眼揩，女郎推枕自尋釵。  
怪來冒氣清於雪，又食僧房兩頓齋。

藁蓐移晚坐

澹雨濃晴薄暮天  
乍寒高木起新煙  
倚闌閒看風吹柳  
搖蕩僧房似釣船

葡萄

盤龍珠帳翠光浮  
秋實離離帶露收  
官職豈關醅酒事  
有人一斛博涼州

記北人語

某都統語抱水師曰吾輩居東南輒病渡河而北喫些黃土卽愈矣

卑濕江南百病煎  
鋒車絳繹願朝天  
東華可但萱蘇貴  
一龔京塵值萬錢

九月十三日少保師爲

增祥

設餞招同朱桂卿沈子封

兩編修寶子年祭酒于晦若京卿李亦元比部夜集  
不朽堂分賦餞別留別之什桂卿探得江韻祥得齊

韻亦元得佳韻子封得肴韻晦若得鹽韻師得咸韻

白戰當筵號令齊暫留車馬鳳城西老懷大段參醒醉時事

都難置笑啼王路馳驅知況瘁

一作客邸暄涼從變易

陪京雲物半萋

迷平生氣誼親師友漫數餘杭與會稽

手攏驕驄卸障泥王程東去一何稽重陽老圃香仍在十日

平原酒重攜襄峴枉誇能舞鶴會稽休笑不鳴雞陪公宴坐

圍棋墅坐見塵清黑水西

廣雅前輩席上送樊山前輩如浙分得江韻

朱福

百斛龍文力獨扛居官治行更無雙帝知名德崇分

陝天遺奇才賦曲江人比范韓能懾敵詩卑曹鄴不成

邦酒旗筆塑公眞健願得堅城築受降

廣雅宮保席上送樊山廉訪之浙江任分得佳韻

李希聖

謝公座上酒如淮更對雲山風景佳  
正始風流見談笑  
永和人物外形骸  
文章洒落孤飛鳳  
鼓吹清貧兩部蛙  
怕聽玲瓏岐路唱  
潮平月落是天涯

時艱相對暫開懷  
禁鼓沈沈動六街  
已遺湖山供嘯傲

更談風月雜談諧  
新詩漫擬宮中草

查初白事

往事都如夢

裏槐筆力萬牛真可挽  
好隨元祐頌思齋

黃山谷詩請書元祐開皇

極第入思齋訪落詩張子筆力可以回萬牛亦詩中語也

廣雅先生席上送樊山年丈赴浙江任分得刪韻第二

首專上廣雅先生

寶熙

餘事詩名見一斑  
丈人身足濟時艱  
吏材小試三千牘

樊山續集卷十九

聖

舊治閣開百二關今日蘇湖宜講學  
場來吳越喜看山  
繡衣遠別金門去  
秋柳官橋惜折攀

鶴樓往歲接清顏  
私淑春風杖屨間  
武漢上游資重鎮  
荀楊學說出名山  
茫茫雲水鯤鵬卷  
鬱鬱松梧鸞鳳閒  
今日朝回聊燕飲  
憂皆早覺鬢毛斑  
廣雅前輩席上送樊山前輩如浙分得肴韻

沈曾桐

吏事文章兩自豪  
又持牙節越吳交  
當時治行齊張趙  
異日論詩笑島郊  
南國旌旗思按部  
故山煙雨擬誅茅  
冷官頭白知何補  
準擬從公覓舊巢

泥飲何辭百罰勞  
禁城嚴鼓已頻敲  
當筵共有千秋想  
逝景方知十月交  
交袖裏新詩聊作達  
樽前家釀忍輕拋



臨歧莫漫傷離別，留取鴻泥異日嘲。

廣雅太世丈席上送樊山前輩之浙江，任分得鹽韻。

于式枚

共拈險韻鬪，又尖勝地名流。豈易兼方闕，西湖容李泌。  
不愁南浦賦，江淹傳杯談快風。生座擊鉢詩成，月上簾  
投轄且拚今夕醉，重城禁鼓不知嚴。

西來車騎數郵籤，行部南馳又去轡。地合越杭同節制，  
官如陝虢異寬嚴。湖山賓客猶全盛，政事文章況兩兼。  
滄海東流民力盡，欲陳三策待蘇髯。

展重陽日少，保師晦若，發甫子封亦元公餞。增祥於塔。

射山房卽席誌別

東行期並重陽展，左顧雲移一塔尊。寒菊亦如人晚達，羸驂

長戀國西門百年師友存風誼半日琴觚強笑言明發鸞輪  
滄海去最思少廣坐崑崙

九月二十三日天津旅次奉陳臬陝西之命恭紀

錦樣杭州那忍拋主恩重遣度滬嶠星臨柝木朝天近雲  
湧峰蓮得地高身健合騎沙苑馬筆乾難賦廣陵濤關中掾  
屬遙相賀替掃西臺舊燕巢

到天津失詩稿一冊

我得之仍我失之中間枉費百回思神仙本自無言說何必  
詹詹託寓卮

亡書三篋誦無遺閻記能還覆局棋若與白人論腦力老夫  
未減少年時

九月二十五日還京呈少保師

東西流轉似萍蓬重入修門踏軟紅信有喜歡從意外欲將  
遇合問明中一官好做惟常調兩府量移出至公立盡恩門  
雪三尺不衣而暖是春風

十月初三日入對恭紀

曾扈金輿駕六龍玉音猶念舊行宮極知天眷紫西  
北漫數人才到下中邊事阽危重問計時有俄警外臺敷歷久無  
功知臣雅得秦民意衣繡重觀雍上風

謝娘

北里徵歌出洞房西園飛蓋夜行觴南臺御史能言語醞藉  
彈文有謝娘

晚詣朔上積雪滿地

畫角催寒晚霽開水邊無數好樓臺一條扇子湖西路看盡

夢山齋集卷十九  
風荷看雪來

夜至大有莊

十月之交天宇澄石橋沙路晚登登冰膠野水烏啼柳雪積  
寒林犬吠鐙地遠兩僮俱僛馬却餘數寺不逢僧西山晴黛  
來朝展畫汝修眉老尙能

十月初十日

慈聖萬壽五鼓詣

排雲殿隨班朝

賀恭紀

長樂鳴鐘曉禁開鐙珠交映錦毼毼歲蕤翠鳳排雲出絡繹  
金貂帶露來 懿旨早停諸夏貢

見八月朔詔書

壽觴新點小春

梅垂簾四十三驪慶臣祝長春第一回

自辛酉至今四十四年

還陝有日寄杭州故人

西子湖光幾夢思亦如奪我鳳凰池關中柳盼人歸早陌上

花憐馬去遲幕府羅橫空見待謂藍州江關庾信更傷離西行  
未免林逋笑欠和梅花百首詩

贈沈京尹

往歲行都見書札早知緯武復經文綢繆國用勞心計指畫  
邊情視掌紋秦爵亟登樞里子燕臺重起望諸君百年文肅  
遺風在冊府標題續舊勳

千載風流說尹京張韓異代與齊名跨驢漫作推敲勢拊馬  
還將便面行奏草頭番稱雪瑞君到任三日即奏得雪官梅垂發覺詩  
情麓官十日能停待木李幾幾索報瓊

京尹次答前韻再和

近人誰得臨川筆此老真能北宋文綠脚試參溪茗味黝光  
細辨漆琴紋七言銀海能知我一半鍾山早付君欲作鄭箋

知不易註家應策雁湖勦

曩慕詞人宋子京少年紅杏亦知名近觀江表英雄傳重作  
幽燕老將行東閣花時憐我去西山雪後逼人清都將往復  
籠紗句凍作昆湖一片瓊

疊前韻論詩呈濤園子封晦若亦元

萬卷破來方下筆五聲諧總始成文要如長者知衣食好學  
針神刺繡紋小乘辟支難作佛鬼才幽獨枉稱君雞林不入  
蕃人眼麟閣空高子墨勦

一昔公車謁上京應劉王阮競時名憂危屢和飛龍引譏切  
常多猛虎行當世英雄歸廣武廿年蹤跡傍華清眼前大有  
佳人在深炷鑑香放曲瓊

愛蒼苔詩頗及西幸時事三疊韻奉呈

淋鈴一唱歸秦曲列檄爭傳詛楚文辭 廟御衣惟有淚割  
河 佛面已生紋中原誰信民皆盜諸夏翻愁夷有君保土  
收京竟誰力請看褒詔答忠勳

五月紅燈照玉京九攻九距太無名誰令麥飯前途具早辦  
麻鞋問道行哀痛 詔書傳朔漠磅礴惟幄感西清北門可  
但萊公少戢縱曾無太尉瓊

冬窗卽事四疊前韻

巾車閱市無佳興絲帽偎爐製小文賜茗方圓封蠟面庫箋  
新舊辨羅紋趣常在苦含青子枝不勝斜玩綠君斑管自書  
晚晴賦一生低首杜司勳

寬袍一疋好南京無暇時人勁狹名才患太多詩半格飲教  
微醉酒三行不嘯煙草防鬚燥久食冰蔬覺胃清偶閱塘抄

知近事有人嘖喚許飛瓊

五疊前韻贈亦元

無雙才氣無雙士京洛相逢與定交  
新舊紛紜笑蝸角古今成敗數螺紋  
學程須問鵝湖長兵法微叅馬服君  
青眼高歌吾老矣坐看煙閣紀殊勦

衣冠萬國會神京第一能知李揆名  
漢後夸情爭內附指大秦諸

國秦時吾道已東行用歐詩徐福竹造邦早自區  
強弱救世

何心混濁清欲衛山藁須猛虎豈惟投報說瓜瓊

六疊前韻贈晦若

與君來往湖西路官柳婆娑感仲文  
雪水煮鑑商茗事冬暄炙硯散冰紋  
罷談時事看黃老纔了公移對墨君  
幕府文章今鉅手登壇可但策詩勸



四十年來客雨京袁鵬約盛伯頤晴說齊名余初入都世

袁樊既又稱樊盛品題近得張夫子伴侶重偕于慎行師近

有樊詩于烏帽插花秋眺迴塵毛落飯夜談清杜陵以後論

詩史莫數杭州邵紫瓊指咸豐初紫瓊道人題壁詩四十首

七疊前韻呈堃翁

百年休種無情樹諸子皆能有本文傳道佛家重新火籌邊

御座數花紋隆中諸葛真名士江左夷吾久得君不見漢

家麟閣上儒臣一一策高勳

廣廈千間啟漢京要將學術易科名收儲杞梓明堂用約束

驂駟大道行浩氣華夷俱籠罩高懷天海共澄清午橋篇詠

中山和寸砥安能抵尺瓊

十月二十四日請訓恭紀自閏五月至今四次入對  
歷賞福字及食物三十餘

種頃與湘泉同日請訓獨賜臣肴點十食

暑來寒往戀君門屢荷深宮口詔溫四對延英三受賞雙

趨朵殿獨承恩久同天子私人看尙有行都舊眷存

仰識經營關內意敢忘興學與興屯聖諭學堂屯田課吏練兵均宜實力舉辦

與子封閣市買二砂壺

細泥細做倣陳詩龔春精巧還存樸雅風驚怪景仁有茶器

可應山寺示溫公

華卿宗伯以戶部尙書入參機務奉呈一首

唐有平章判度支宋無二府領三司司徒班已高常伯密院

尊尤過鳳池金部自今歸主宰玉音卽日許參知一枝翰

苑生花筆用到中書跋勅時

十一月十二日力疾出都以詩別宮保師

病齒兼旬頗自憎升車雙袖淚成冰一甌藥粥清漳館孤負  
程門雪夜鐙

戲題羅兩峯山水畫冊

屹立山幾片倒垂松一本小兒隔鏡窺道是西洋景

荷鋤歸去綠楊林雨落浜田一尺深見說桔槔能俯仰豐年  
底處用機心

老僧行脚轉秋蓬鉢帽逢人說苦空纔出花之寺門外芒鞋  
已到萬山中

奇絕花之一病僧輕煙淡墨掃吳綾若從五百年前見定是  
湖州管道昇

水田白鷺鷥飛上沙邊柳江南煙雨中還見杏花否

煙波氣息耐人思采采菱花合付誰此客不令江浙住十年

東坡先生集卷一  
祇辦畫中詩

少年綺語頗知非，忽漫淩波見洛妃。  
不畫鴛鴦知有意，恐防隔浦妒紅衣。

兩峯視一峯，未知孰雌雄。  
蒼然一片石，不歸南北宗。

米老風流不可攀，興來渾灑卽房山。  
紙皮筆骨能多少，撐拄乾坤只等閒。

梅雨江南衣有斑，濃研石黛寫煙鬟。  
尺牋安置書窗底，時有寒猿嘯硯山。

詩巢出寒語，酒盞無溫意。  
片月照霜柯，聲光滿天地。

十一月十五日夜宿宜溝驛，用辛未舊韻示竹延。

華鐙送酒，金波明鏡當頭一放。  
歌少日詩從灰裏撥，今宵人立月中多沈沈。  
瑞腦欺香獸，點點寒星隱絳河。  
風笛不須

吹折柳冰條無葉軟於蘿

汲縣與竹延別

濯濯門牆玉一枝南來老淚灑臨歧昔曾誨汝童蒙日今是  
爲人父母時幕府文章親指授少年時務已通知當官大誼  
惟忠孝莫遺功名負本師

旅興示竹延

前駐蹕馬去駸駸橋柱題名不可尋望遠青冥窮眼力撲塵  
黃色上眉心程程行店遙堪數夜夜官壺共一斟莫話當年  
遼宋事白溝冰合凍雲深

河北道中

老年行役不知難供帳勞人意未安車馬稍欣循熟路風塵  
曾亦困卑官夕陽城郭拋修武釀雪光陰逼小寒連日褰帷

過河朔衰顏慚被萬人看

至衛輝中兒攜午孫迎謁遂同至洛

行臺鎧火敘天倫消領淇泉竹葉春衰疾重煩師友念

余力疾出

都少保師及諸朋好皆未執別

老懷惟覺子孫親馬牛一世誰憐我龍驤於

今有幾人劍咄依依聊慰藉不辭相送洛陽塵

余閏夏入都與靈寶令許君晤言甚洽比冬仲再過則

許以九月卒矣君揚州人有肆應才身後虧累四千

金一家三十餘口羈繫於此賦詩悼之

惆悵風塵解事難行厨強欲致猪肝薰風五月桃林路難得

清茶對宰官

余切致各州縣不受供給而所過暴殄如故獨至靈寶屏去厨傳惟具茶湯以是賞之

函谷東頭落照邊縣齋履舄散寒煙死猶不得揚州去禪智

山光絕可憐

簾鏤一雲感存亡候館蕭寒夜雨霜孤寡一門三十口不堪  
閒坐替思量

盤豆驛夜坐

連日齒痛益甚

破店荒雞三換更詩肩病骨兩峻嶒不宜煖笕休燒葦欲作  
稀糜更斧冰凍柳依依盤豆雪明星的的嶽蓮鐙來朝靴板  
潼關路延接賓僚僕未能

沿途覓藥不得吟嘯亦廢戲作

齒牙伶仃翻成病瘦尤荒唐蛙作塵今日眞經窮八姑詩囊  
藥裏兩奇貧

齒病由夜談失眠而起過衛輝後痛稍定矣昨宿鐵門

新安令追送久談遂以增劇連五日夜不止感賦

奮塵孫郎戚自貽亦如妃子病離支始知身受荼連苦多在

高談快意時

齒痛惟食白粥以詩戒州縣不得供饋

齒決乾濡雨不勝萬錢下箸鄙何曾郊迎牛酒渾多事我亦庸庸粥飯僧

華陰行館壁間挂山谷老人雲亭宴集詩墨四幅齒痛不得臥因和其韻

自憐癯似鶴那復語如絃

宋詞妙語如絃

蓮萼爲屏幃梅花落几筵

衣簪成霧合脾癯與雲連青眼逢關柳明波負浙船占星東

井夜待雪小寒天自忍穿齧痛誰增齟齬妍鐵冠中執法石

墨左承宣

詩爲明陝西布政使左參議陳鳳臺刻

無病呻何敢生嗔火始然

見荆

公吾衰強西笑此帖記南遷便腹不能寐深慚邊孝先

原詩



江靜明花竹山空響管絃風生學士塵雲繞令君筵百  
越餘生聚三吳遠接連庖霜刀落鱸執玉酒明船葉縣  
飛來烏壺公謫處天酌多時暴謔舞短更成妍唯我孤  
登覽觀詩未究宣空餘五字賞文似兩京然醫是肱三  
折官當歲九遷老夫看鏡罷衰白敢爭先

臨潼縣齋對雪贈雲生

甃紆征轡駐臨潼來踐琴堂玉一弓笛裏梅花唐李白瓊頭  
竹葉漢新豐律吹寒谷春先到飛近溫泉粉易融二十年來  
琴酒伴瓊瑤滿握得重逢

疊韻詠雪索雲生和

風飄瑞葉滿河潼未礙寒人臥似弓玉斲虬龍鱗甲細粉添  
鵬鶴羽毛豐著枝粲粲疑花發點水輕輕共乳融見說芳梅

如彼美瑤臺月下可相逢

余到京寓四牌樓十二巷內兄令竹延夫婦繡漪姊妹  
與余同居起居服食與在家無異別後感念而作是

詩

謝公兒女入吾家寢膳甘甜樂事賒不辨兩家綠楊樹合爲  
一本紫荊花性情都似溫涼玉定省還隨早晚衙兄弟會姻  
勿相遠夢中腸繞舊京華